

D E

DOGMATIBVS.

ET RITIBVS

VETERIS ECCLESIAE.

Hæreticorum huius temporis, &  
præsertim Calvinianorum  
Testimonia.

*Quibus pleræque ipsorum Hæreses refutantur.*

Collecta

A. PAGANINO GAUDENTIO

Sacræ Theol. Doctore.



R O M A E, Typis Francisci Corbelletti.  
M D C X X V.

SVPERIORVM PERMISSV.

*Imprimatur si videbitur Reuerendiss. P. Magistro  
Sacri Palatij Apostolici.*

*A. Episc. Hieracen. Viceg.*

*Legi hæc Hæreticorum testimonia à D. Paganino Gau-  
dентio contra plerosquè errores pari pietate, &  
eruditione collecta, meo iudicio non sine fructu in  
publicum proditura. Romæ 23. Decemb. 1624.*

*F. M. Antonius Cappellus Ord. Min. Con.*

*Imprimatur.*

*F. Vincentius Martinellus Magister, & Socius  
Reuerendiss. P. F. Nicolai Rodulphi Ord. Prædic.  
Sacri Palatij Apostolici Magistri.*

ILLVSTRISS. & REVERENDISS.

Principi, ac Domino,

D. FRANCISCO

S. R. E. CARDINALI

BARBERINO,

SANCTISS. D. N. EX FRATRE NEPOTI.



LECTIONEM SANCTORUM  
PATRUM AD AGNOS-  
CENDAM VERITATEM CA-  
THOLICAM MAGNUM ES-  
SE COMPENDIUM EXPE-  
RIENTIA NOS DOCET.

Quotusquisq; enim alienorum à Ciui-  
tate Dei serio animum ad id laboris  
appulit, qui non dederit Deo gloriam,  
feliciterq; se Ecclesiæ Catholicæ asso-  
ciauerit? Cùm verò id hostes veritatis

probè norint, nihil non agunt, vt salutis suæ studiosos à tam sancta opera auertant, aut saltem cursum studij remorentur, optatoq; fine priuent, dum nimirum & varijs strophis authoritatem Sanctissimorum virorum eleuare conantur, & illud dixisse fingunt, quod ipsis ne per somnium quidem in mentem venit. Huic Hæreticorum impio conatui ego hic occurrere satēgi, & compendiosè quidem. Non enim prolixè ex veterum Patrum monumentis testimonia ascisco (fecerunt id iam pridem alij) sed Aduersariorum ipsorummet verba adduco, quibus quid senserint veteres, docent perspicuè. Quicquid verò id operis est, quod sanè exiguum esse probè noui, id Illustriss. tuo nomini inscribo, qui nempe scriptorum Ecclesiasticorum etiam recom-  
ditorum



ditorum diligens fuisti indagator, &  
dogmata ab ipsis tradita maximo zelo  
tueris, & integerrimis moribus opti-  
mos, & strenuos Christi Athletas  
imitaris. Suscipe igitur serena fronte  
opusculum hoc, & me tua benignitate  
porro protege. Sic te Deus Ecclesiæ  
bono, cui natus es, quam diutissime  
sospitet.

Dabam Romæ Cal. Junij 1625.

Illustr. & Reu. Vestræ Dom.

addictissimus servus

*Paganinus Gaudentius.*

# LECTORE

**Q**uantum interfit eorum, qui à veri-  
tatis tramite aberrare nolunt, nosse  
quid veteres Ecclesiæ Patres docue-  
rint, nemo est, qui non videat. Cum  
verò paucorum ea sit felicitas, ut  
possint, aut velint ipsi scripta illor-  
um sedulo voluere, lubuit ex libris eorum potissi-  
mum, qui Calvinum sequantur excerpere testimo-  
nia, ex quibus minimo labore discant Aduersarij  
(illorum enim vsui potissimum hanc opellam desti-  
namus) quanam fuerit sanctissimorum virorum  
de præcipuis Religionis Christianæ capitibus sen-  
tentia. Antequam autem singillatim describam  
Sanctorum Patrum in unaquaque questione sen-  
sum, operæ pretium me facturum puto, si, quan-  
tum sit ipsis deferendum, ex Authoribus aduersa-  
rijs doceam.

## DE AVTHORITATE

SS. Patrum veteris Ecclesiæ.

## Caput I.



Vam sint digni Vereris Ecclesiæ  
Doctores; vt illis dei Ecclesiasticis  
dogmatibus scribentibus fides ad-  
hibeatur; palam fiet ex ijs, qua se-  
quuntur.

I. Aduersarij Romanæ Ecclesiæ prout sunt in  
plurimas partes scissi; vbi contingit tueri dogma  
aliquod, quod veteres Christianos Antistites ha-  
beat assertores mirum in modum se iactant iurius-  
modi consensu; illos muniti putant se facile de  
Aduersarijs posse triumphare. Ita Calviniani in-  
sultant Arrianis; & de Antiquorum suffragio glo-  
riantur; vbi docent Filium Dei esse *consubstantialem* Patri.  
Beza Epist. Theol. 6. *Summi illi Patres, qui Ni-  
cænâ Synodo unanimi totius orthodoxæ Ecclesiæ  
consensu receptis Synodis præfuerunt, à quibus tra-  
ien omnibus vos (Arrianos alloquitur) defecisse  
ne ipsi quidem inficiamini.* Idem Calviniani; vt  
refutent Anabaptistas; qui Pædobaptismum oppu-  
gnant; Ecclesiæ Catholicæ perpetuam consuetu-  
dinem ipsis obijciunt. Calvinus contra Anabapt.  
*Aio Sacrosanctum esse institutum. (Pædobaptismū)*

*perpetuò obseruatum in Ecclesia Christiana: Nullus est enim prisce Ecclesie tam antiquus Doct̃or, qui non fateatur Apostolos ita semper vsos esse. Si verò Calvinianis cum suis Aduersarijs ita agere licet, poterimus & nos Catholici illis perpetuum Ecclesie sensum obijcere.*

*II. Hæretici iidem prouocant ad Ecclesie primitiue sententiam, & praxin, illiq; stare paratos se esse aiunt. Rex Magnæ Britanniæ, teste Grotio in Apolog. p. 350. dedit consilium Hollandis, ut de Capitibus controuersis definitio fieret secundum normam oraculorum diuinorum, Synodorum veterum, & prisce aut interpretum. Calvinus Respons. ad Sadoletum: Neque verà in doctrina dubitamus ad veterem Ecclesiam prouocare. Casaub. Exerc. 15. S. 11. vbi disputat de Romani Pontificis Primatu sic loquitur: Quare in Verbo Dei, & praxi primitiue Ecclesie questionis huius decisio est omnino querenda, & eo standum, quod ibi fuerit inuentum. Non igitur poterunt eos iudices reiicere, quos ipsi sibi constituerunt.*

*III. Doctores Veteres Christianos vocant Catholicos, orthodoxos, & negant fuisse Schismaticos, & hæreticos. D. Augustinus vocatur à Bucerol. lib. de Eccles. Reconciliat. Verè Catholicus, & orthodoxus Pater, & Ecclesie Doct̃or. Casaub. Exerc. 15. S. 11. Quoniam autem neq; Schismaticus,*

*cus, neq; hæreticus fuit Augustinus. Ex hoc verò inferri potest ipsos cum reliquis Ecclesiæ Doctõribus sensisser. Sic namq; infert idem Casaub. Exerc. 15. S. 411. Quoniam autem neq; Schismaticus, neq; hæreticus fuit Augustinus, dubitari non potest ipsum cum Ecclesiæ Catholicæ Doctõribus sensisse.*

IV. Hæretici fatentur S. Patres fideliter testari de dogmatibus, ritibusq; antiquæ Ecclesiæ. Calvini nos ad D. Augustinum remittit, vt nouerimus, quid vetus Ecclesiæ senserit. Verba Caluini sunt Instit. l. 3. c. 3. S. 10. *Ab uno Augustino sumant lectores, si quid de sensu Antiquitatis habere volunt.* Non igitur potest dubitari quin crediderit, feceritq; Vetus Ecclesiæ, quod illam credidisse, fecisseq; scribunt Sancti Patres.

V. Idem Hæretici Veteres Ecclesiæ Doctõres aiunt fuisse viros Sanctos. Beza Epist. 87. appellat eos *doctrina, & pietate præstantissimos.* Non igitur à via veritatis Catholicæ aberrarunt.

De vnanimi consensu SS. Patrum,  
& vnde is colligi possit.

Caput II.

**Q**uoniam autem non quiduis, quod occurrerit in libris Veterum, Fide Catholica potest suscipi,



suscipi, sed illud demum, quod vnanimi consensu à Sanctis viris creditum, traditumq; fuerit, ideo necesse est nosse, vnde possimus de vnanimi illo consensu solidè statuere, in quam rem lubet adducere ea, quæ scripsit Illustriss. Cardinalis Perronius. in Epist. ad Iacobum Maioris Britannię Regem. Sic itaq; ille: *Ad consensum Patrum cognoscendum æquum fuerit has duas regulas adhiberi, ut tunc existimetur satis probatus esse consensus Patrum, quando eminentissimi quique singularum nationum in rei alicuius affirmatione consenserint, neque illis quisquam se opposuerit, qui quidem orthodoxus senseretur. Secundo, Quando Patres non ut Doctores loquuntur, neque dicunt hoc, aut illud sic esse credendum, aut sic faciendum, sed tanquam testes eorum, quæ suis temporibus Ecclesia Vniuersalis predebat, aut faciebat, dicunt hanc esse fidem, aut praxin. Ecclesia per totum orbem terrarum, tunc eum honorem illis habendum, ut ad vnanimem consensum Ecclesiæ huiusmodi affirmatio satis credatur valere. Cui respondens Casaubonus ait: Vt conueniat quantum Patribus deferendum, non fuerit inutile certas regulas componi; inter alios plures utiles, ac necessarios Canones, etiam duobus hisce locis posse concedi Rex autumat. Etsi autem & Hæretici sepe adducant testimonia Patrum, iactentq; apud ignaros sentire se cum Veteribus,*

in

in quā rem scripsit etiam Polanus professor  
 Basileensis Symphoniam Catholicam specioso sa-  
 nè titulo, vt scilicet imponeret Auditoribus, è  
 quorum millibus vix vnus vel à limine salutauerat  
 Patrum scripta, efficiam tamen vel ipforum aduer-  
 sariorum obseruationibus, vt videant habere se  
 vniuersam Antiquitatem aduersantem dogmati-  
 bus non multis ab hinc annis à Caluino, & paucis  
 alijs in vulgus sparsis. Interim lubet hic adducere  
 insigne testimonium Aduersarij maximi Romane  
 Ecclesie Andree Dudithij Epist. ad Bezam, quæ  
 est inter Epist. Theologicas Bezzæ. Sic itaque ille:  
**SI VERITAS EST, QVAM VETERES**  
**PATRES MVTO CONSENSV SVNT**  
**PROFESSI, EA A PONTIFICIS**  
**TOTA STABIT**

## De Libris Canonicis Sacræ Scripturæ.

### Caput III.

**C**aluiniani è numero librorum Canonicorum  
 Sacræ Scripturæ eximunt libros Sapientiæ,  
 Ecclesiastici, Tobie, Iudith, Esdræ libros duos,  
 Machabeorum primum, & secundum, & partem  
 Danielis. Veterem verò Ecclesiam hos libros inter  
 Canonicos retulisse discere est ex ipso Caluino in

Antidoto Concil. Trident. in quo fatetur Concilium Carthaginense idem sensisse de numero librorum Canoniconum, quod in Concilio Trident. est definitum: Christophorus Iustellus in Indice Codicis Canonum Ecclesiæ Africanæ: *Canon Scripture*, respicit Canonem 24. in quo ita loquuntur Patres Afric. *Item placuit, ut præter Scripturas Canonicas, nihil in Ecclesia legatur sub nomine divinarum Scripturarum: Sunt autem Canonica Scripturae, idest, Salomonis libri quinque (inter quos Ecclesiasticus, & Sapientia) Tobias, Iudith, Esdræ, libri duo, Machabeorum libri duo.* Brentius in Apolog. Confess. Virtebergensis. *Sunt ex veteribus, qui recipiunt hos Apocryphos.* (Loquitur Brentius de libris superius enumeratis, quos immerito Apocryphos vocat) *in numeram Canoniconum Scriptorum, similiter & quadam Concilia inbeunt eos, ut Canonicos agnoscere. Non igitur quid factum sit.*

## De Editione Sacræ Scripturæ.

### Caput IV.

**H**Æretici, ut nobis obtrudant innumeras versiones Sacræ Scripturæ, quas ipsi conferunt, fontes Hebræum, & Græcum semper in ore

ore habent, illos vnicè admirantur, quascunquè  
verò versiones, licèt antiquissimas, sub examen  
suum reuocant, authenticas negant, multorumq;  
errorum accusant. Versionem septuaginta Inter-  
pretum celeberrimam contemnunt, grauissimosq;  
viros imperitè plurima transulisse arguantur.  
Quid verò Veteres de illa senserint, quantum ipsi  
detulerint, testatur Contr. Ritterseus. part. 1. t. 1.  
ad Nouell. Iustiniani: *Nec dubitat*, inquit, *Tre-*  
*neus l. 3. pronunciare unum, & eundem Spiritum*  
*Dei esse, qui in Prophetis est, deinde in senioribus*  
*72. ibidem: Plura de utilitate versionis (72.)*  
*quam Imperator omnibus alijs exactiorem predi-*  
*cat, peti possunt ex S. Hieronymo. Tremellius*  
*præfat. in Bibl. scribit S. Augustinum non multum*  
*de translatione ex Hebræo laborasse, sed in latina*  
*ex septuaginta Senioribus concinnata acquiescere,*  
*quod nihil melius videbat. Ritterseus. loco iam*  
*adducto laudat sententiam S. Iustini in Cohortat.*  
*ad Græcos de cellis, in quibus Sancti illi viri*  
*Sacram Scripturam transfulerunt.*

Sed nihil est iste contemptus septuaginta Inter-  
pretum, præ maximo odio, quo prosequuntur  
Hæretici Versionem vulgatam latinam Sacræ  
Scripturæ, quam authenticam esse definiuit S.  
Concilium Tridentinum. Quanto verò in prærio  
fuerit apud veteres, docet Hunnius aduers. l. 2.

c. 20. de Verbo Dei Illustris. Card. Bellarmini,  
his verbis: *Testimonia veterum hoc tantum volunt,*  
*quod latina Translatio Vulgata sit ceteris præfe-*  
*renda, quæ scilicet tum in vſu erant.* Idem ibidem  
fatetur per multa secula Ecclesiam Dei vſum hac  
translatione, cum alia non extaret. Verba eius  
sunt: *Ratio à tot ſeculorum vſu petita hoc tantum*  
*euincit Ecclesiam Dei utiliter ea editione vſam,*  
*cum non extaret melior translatio.*

## De lectione Sacræ Scripturæ.

### Caput V.

**C**Aluiniani necessarium iudicant, vt vnusquis-  
quæ etiam laicus legat ſcripturas; exq; ijs de  
dogmatibus iudicet. Alia fuit mens Antiquorum  
teste Vitaker. Controuerſ. prima, quæ est de Ver-  
bo Dei: *Fateor cum Auguſtino accuratam myſte-*  
*riorum cognitionem non requiri à plebe, ſed ſufficere*  
*illi ſi fundamentum Religionis ſaluum, & inte-*  
*grum tenuerit.*

Idem Hæretici ſibiipſis ſimiles docent Sacras  
Scripturas in omnes linguas vernaculas transfe-  
rendas; vt ab omnibus legi poſſint. Aliud ſenſiſſe  
veteres fatetur idem Vitakerus ibidem dum ait  
*Eccleſiam ad tempus cbruiſſe, & carere potuiſſe*

verna-



*vernaculis versionibus. Idem ibidem docet S. Apostolos Euangelicam doctrinam una lingua scriptam reliquisse. Fr. Iunius ad l. 2. c. 15. de Verbo Dei Illustris. Card. Bellarmini ait: Veteres dixerunt Apostolos nil nisi istis linguis (Hæbræa nempe, Græca, & Latina) scripsisse. Vitak. l. iam adducta scribit Ecclesiam vetuisse scripturam legi nisi latine. Et idem Iunius non negat hanc esse Ecclesiæ consuetudinem.*

## De obscuritate Sacræ Scripturæ.

### Caput VI.

**H**Æretici huius temporis, præsertim Caluini, contendunt Sacram Scripturam adeo esse claram, ut quicunq; illius lector possit ex illa proprio Marte discere omnia, quæ Deus vult nos nosse ad salutem æternam consequendam.

An veteres huius sententiæ fuerint doceant ipsi Hæretici. Vitakerus lib. 1. Controuers. q. 4. c. 1. *Patres dicunt obscuræ esse quædam in Scripturis, & sine interna luce Spiritus Scripturas non rectè à nobis intelligi. Ireneus l. 2. contra Hæreticos c. 47. Cum ostendisset multa esse in creaturis ipsis obscura, & difficilia, ad extremum ista ad Scripturas accommodat. Quibus subiungit Vitak. Nihil verius dici potuit.*

potuit. *ibid.* Vitak. *Fatemur libenter cum Ambrosio multos esse obscuros in Scriptura sensus, & mari- similem esse Scripturam.*

Hæretici vnius loci Scripturę vnum tantum posse esse sensum statuunt. Contrarium sensit S. Augustinus teste Casaub. exercit. 15. §. 11. p. 275. *Sed eæ, inquit, sunt diuitiæ Scripturarum, ut quemadmodum ait S. Augustinus plures sensus, & interpretationes possint esse veræ.*

## De Traditionibus

### Caput VII.

**H**Æreticorum dogma est, sacris Scripturis contineri omnia, quę de rebus Diuinis sentire, quibusq; Deum colere nos oportet. Contrarium visum esse antiquis, testis locuples est Casaubonus ad Apparatum Annalium Cardin. Baronij, cū Cardinalis pro defensione traditionum Apostolicarum adduxisset axioma S. Augustini ex l. 4. c. ult. de Baptismo contra Donatistas: *Quod vniuersa tenet Ecclesia, nec Concilijs institutum, sed semper retentum est, nonnisi auctoritate Apostolica traditum rectissime creditur.* Respondet Casaub. p. 73. *Necesse est, ut traditiones, ad quarum confirmationem hoc axioma adhibetur à principio*

*capio*

*cipio nascentis Ecclesie ipsi nota, atq; usurpata fuerint. Deinde ut ubiq; in Ecclesia Catholica obtinuerint, idq; semper non interrupta serie temporum certae connexionis successione. Augustinus l. 28. contra Faustum,*

*Idem Casaub. in Epist. ad Card. Perronium:*

*Ab horum sententia, qui uniuersam Ecclesie primitiuae historiam actibus Apostolicis volunt contineri, longè abest Rex, qui in Epistola Monitoria quanti faceret Patres etiam quarti, & quinti seculi ingenuè declarauit, nec dubitat Rex cum B. Augustino pronunciare, quod probatum fuerit Ecclesiam à prima sua origine ad illa usq; tempora seruasse, id tanquam impium velle reicere, insolentissimæ esse insanie. Iac. Arminius Disp. 4. Th. 13. Concedimus Apostolos aliqua tradidisse Ecclesijs ad ritus in illis obseruandos pertinentia, quæ ab illis scripta non sunt. Fr Iunius in indice in Codinum: Apostolicæ traditiones. p. 178. Imperator coronandus promittit: Colo Apostolicas, & Diuinas traditiones, & constitutiones septem Synodorum OEcumenicarum, & earum, quæ suis temporibus fuerunt certis locis habita.*

# De Omniscientia animæ Christi, & descensu eius ad Inferos.

## Caput VIII.

**C**Aluiniani animæ Christi multarum rerum ignorantiam ascribunt, Danæus tamen fateatur Augustinum fuisse in contraria sententia. Verba eius sunt ad lib. 4. cap. 5. de Christo Illustrissimi Cardinalis Bellarmini: *Augustinus negavit Christum infirmitates pueriles, & ignorantiam suscepisse.*

Articulum fidei de descensu Christi ad inferos longè aliter explicant Hæretici, quàm Catholici, negantq; Christum anima sua profectum eò loci, ubi aduentum eius expectabant S. Patres, vt scilicet eos inde liberaret. Quid autem senserint veteres, explicat Piscator Comment. in 1. Petr. 3. *Veteres ex verbis Petri commenti sunt* ( non sunt commenti, sed quod ab Apostolis fuerat traditum, porrò alijs tradiderunt ) *Limbum Patrum, & ex illo liberationem ipsorum per localem descensum animæ Christi ad inferos.* Gold. Heimensfeldius Epist. ad Ludouicum Lauaterum ait veteres potissimum ex dogmate de descensu Christi ad inferos confutasse Apollinarium negantem Christum  
anima

anima rationali esse præditum: aiebant namquæ Christum descendisse ad inferos non diuinitate, qua semper vbique fuerit, non corpore, quod iacebat in sepulchro, sed anima. Herm. Rauensperg. in Florileg. p. 216. *Hic non est prætereundum ex Orthodoxis Ecclesiæ Doctõribus esse, qui Sinum Abrahæ à Cælo diuersum, & peculiarem locum constituerunt, in quo S. Patres aduentum Christi expectarent. Tertull. aduers. Marcion. l. 4.*

## De officio Christi Mediatoris, & duplici eius merito.

### Caput IX.

**C**aluiniani opinantur Christum secundum vtramquæ naturam esse Mediatorem, quod à Catholicis meritò rejicitur, idq; adstipulantibus S. Patribus; qui disertè docent Christum non nisi quatenus homo est exercuisse actus Mediatorios, idq; colligunt ex loco D. Pauli 1. Tim. 2. Vnus est Mediator Dei, & hominum homo Iesus Christus; Testatur id Beza Epist. Theol. 28. *Origenes dictum illud Pauli Mediator Dei, & hominum homo Iesus Christus refert non ad Deitatem, sed ad humanitatem.*

Calvinus l. 2. Institut. c. 17. §. 6. negat Chri-

B 2

stum



sum sibi quicquam meruisse. Quid Patres sentiant dicat Herm. Rauensper. Floril Theolog. p. 168. his verbis : *Qui contra Caluinum statuunt habent suae sententiae assertores Augustinum, Hieronymum, Vigilium, & alios Patres, ut ostendit Zanchius de Relig. Christiana in praefat.* Conrad. Vorstius in Scholijs contra Sibrandum : *Plerique Patres discrete id ipsum tradiderunt, Christum scilicet obedientia sua sibi etiam meruisse. Et cum Sibrandus err. 51. p. 404. dixisset : Quod autem dicit Vorstius scripturam asserere Christum propter obedientiam fuisse exaltatum. Respondet Vorstius in Scholijs p. 11. Quod sane impudens mendacium est plerisque Ecclesiae Doctores, inprimis Patres petulanter incessans.* Idem Contr. Vorstius p. 114. Schol. contra Sibrand. *Contra (Sibrandum, qui sequitur Caluinum) innumeri Doctores, quibuscum tu conferendus non es, aliter iam olim censuerunt.* Idem Vorstius ibid. fatetur locum D. Pauli ad Philipp. 2. ubi Apostolus ait propterea quod Christus se exenaniuit, ideo exaltatum fuisse, aliter explicari à veteribus, quàm Calvinus fecit. Verba Vorstij sunt : *Innumeri praesertim Patres locum aliter (quàm Sibrandus cum suis Calvinianis) explicandum censuerunt.*

De

# De primatu, & Episcopatu Romano Sancti Petri.

## Caput X.

**H**Aeretici, quibus placet omnium Ecclesiasticorum paritas, negant Petrum ullum habuisse primatum inter Apostolos. De Veterum sententia scribit Casaub. Exercit. 15. §. 11. *Testimonia, inquit, scripturae illorum opinionem evertunt, qui studio inducenda in Ecclesiam democratia, & paritatis veteribus Patribus exosa ferre non possunt Petro aliquam honoris prerogatiuam attribui. &c. sentimus igitur etiam in hac parte cum pia antiquitate. ibid. Versati in Patrum lectione sciunt saepe illos Petro attribuisse Titulo honorem inter collegas, & moderatorem curam, & praesidentiam.*

Exercit. 15. §. 16. p 308. *Et nos credimus cum Patribus Petro post ascensionem Domini aliquem esse tributum à ceteris Apostolis, & ordinis, & honoris primatum. Quæ quidem Casauboni confessio non sufficit omnino, cum ambigua sit ad exprimendum primatum auctoritatis, & iurisdictionis, quam habuit in totam Ecclesiam; illam tamen apposui ad refutandos Puritanos Calvinianos veritatis Catholicae hostes longè alijs infensiores.*

B

3

Qpr.



Opt. Mileuitanus apud Casaub. p. 529. *Negare non potes scire te in Vrbe Roma Petro primo Episcopalem Cathedram esse collatam, in qua sederit omnium Apostolorum caput Petrus, unde & Cephas est appellatus.*

Iidem Hæretici omnia molientes, vt S. Petri primatum, & successorum ipsius auctoritatem euertant, negant mordicus S. Petrum vnquam fuisse Romæ, vnde colligunt, fieri non posse, vt fuerit Romanus Episcopus. Petrum verò fuisse Romæ constans est veterum sententia, vel Caluino ipso teste l. 4. Instit. c. 6. §. 11. *Propter scriptorum consensum uon repugno quin Romæ mortuus sit Petrus.* Casaub. Exercit. 15. §. 11. *fatetur Olim Episcopo Romæ tanquam B. Petri successori ceteros omnes primas sine inuidia concessisse.* Ioseph. Scaliger animaduers. ad Euseb. p. 181. *Vetustiorum opinio est Paulum, & Petrum eadem die, eodemq; anno simul passos.* Dionys. Corinth. Episc. ad Romanos apud Euseb. in fine l. 2. Epist. Eccles. posterior sententia eorum est, qui eodem quidem die vtrumque Apostolum passum volunt, sed interiecto anno vno Petrum post Paulum. Auctor Vetustus ante Schol. OEcum. qui scribebat Arcad. 1111. Honor. Aug. 111. Consul. indict. 9. M. Antonius de Dominis l. 1. de Republ. Eccles. c. 4. anno Christi 68. Neronis 12. *Simon Magus Romæ debacchatur.*

*Accur-*

*Accurrunt Petrus, & Paulus, prosternunt Magum,  
& Martyrio coronantur.*

Iidem vtut concederent Petrum & fuisse Romæ,  
& ibi mortuum, negarent tamen fuisse Episcopum  
Romanum. Sed refutantur à Veteribus, de quo-  
rum sententia testantur ipsimet Hæretici. Casaub.  
citatur verba Opt. Milevit. pag. 529. quæ superius  
adducta sunt.

Negant iidem Hæretici primatum Petri tran-  
sisse ad successores. Sed aliter sentiunt veteres,  
scribente Casaub. Exerc. v. 5. §. 11. *Olim Episcopo  
Romæ tanquam B. Petri successori ceteros omnes  
primas sine inuidia concessisse.*

## De Antichristo . Caput XI.

**I**Mpijssimi homines tantopere auersantur in  
suam perditionem Christi Vicarium, successo-  
rem S. Petri Romanum Pontificem, vt palam asse-  
rere & voce, & scriptis non erubescant esse eum  
magnum illum Antichristum, quem venturum  
sæpius scriptura testatur. Catholici autem Sancto-  
rum Patrum vestigia secuti sentiunt fieri non pos-  
se, vt Pontifex Romanus sit Antichristus. Hoc col-  
ligunt ex ijs, quæ iam olim Viri sancti de Antichri-  
sti persona, miraculis, alijsq; scripta reliquerunt,  
B 4 quod

quod videre est apud Zanchium Calvinistam primum in libro de fine Mundi, qui est liber secundus Miscellaneorum ipsius p. 72. ubi ita loquitur: *Dicere sub finem mundi insignem quendam, & omnium iniquitate excellentissimum Antichristum, qui etiam miracula edat, venturum esse, non pugnat cum sacris litteris.* Ministri Tigurini in iudicio de thesibus Zanchij. *Hæc, inquit, thesis non potest ut hæretica explodi, cum admodum sit probabilis: Omnes enim ferme Patres in ea sententia fuerunt.* Zanchius lib. 2. Miscell. p. 97. *Antiqui Patres tam Græci, quam Latini per cornu illud ultimum Dan. 7. intellexerunt Antichristum cum suo regno, & hunc quidem (Patrum sententiam refero) venturum sub finem seculi, eumq; derepente inter decem cornua, idest, inter decem Reges exoriturum. Ita Hippolytus, Hieronymus, qui ait hanc sententiam esse omnium scriptorum Ecclesiasticorum.* ibid. p. 298. *Quod ad ultimum illum Antichristum attinet, nihil dixi, nisi iuxta sententias Patrum tam Græcorum, quam Latinorum.* p. 299. *Si monstrum appellant dogma de Antichristo: monstrum hoc non ego genui, sed Patres tam Græci, quam Latini simul.* ibid. *A Patribus hoc firmissimè asseueratur.*

Cum ex ijs, quæ Propheta Daniel prædixit de Antichristo colligatur perspicuè fieri non posse, ut Pontifex Romanus sit Antichristus, ideò Calvinia-

ni



ni negant Daniele propriè, & historicè de Antichristo agere contra expositionem Veterum. Fran. Iunius ann. 449. in lib. 3. de Summo Pontifice Illustris. Card. Bellarm. *Negamus de Antichristo propriè, & historicè Daniele agere, de Antiocho affirmamus cum bona Patrum venia.*

## De Iurisdictione Pontificis Romani in alios Ecclesiasticos, & horum inter se. Caput XII.

**C**Aluiniani Puritani negant Romanum Pontificem habere vllam authoritatem in alios Episcopos, & Ecclesiasticos contra sententiam Antiquorum, de qua testatur Isaacus Casaub. Ep. ad Cardinalem Perronium p. 36. *Tunc Rex sine cunctatione primas Pontifici Rom. deferet, ipsumq;* Πασις τῆς Ἐκκλησίας Προσέειπ cum Nazianzeno dicit non inuitus. Exercit. 15. §. 11. *Iure meritò illis temporibus Episcopo Romæ Ciuitatis Dominatricis, & B. Petri Successori, ceteri omnes primas sine inuidia concesserunt.* Quibus quidem verbis vt vt Aduersarius non satis clarè, & amplè describat authoritatem Pontificis Romani, quam semper habuit, & vbi opus fuit exercuit, sufficiunt tamen nobis illa ad euertendam paritatem, quam Calu-  
niani

niani Puritani contendunt debere esse inter omnes Ecclesiasticos.

Iidem Caluiniani ferre non possunt, vt vnus Episcopus tanquam Archiepiscopus, aut Patriarcha alijs præsit contra morem Veterum, de quo scribit Isaac. Casaub. Exercit. 16. S. 143. *Fateor prudenter, exq; vsu Ecclesiæ discrimen esse positum inter Episcopos cum sunt instituti Metropolitani, & Patriarchæ. Iuris positiui ea est institutio, primi, secundi, & magna etiam, vt videtur, tertij seculi parte ignota.*

De consuetudine Episcoporum in audiendis causis ciuilibus, & auctoritate Conciliorum.

### Caput XIII.

**C**aluiniani Angli, quibus probatur Episcoporum auctoritas affirmant fas esse Episcopis contentiones ciuiles audire, & dirimere, vt prolixè asserit Adrian. Sarauia l. de Gradib. Ministr. Bezae autem, reliquisq; qui Episcoporum institutum sustulerunt, eiusmodi consuetudo improbatur. Quomodo autem Veteres hac etiam in re se gesserint docet ipse Beza Epist. 12. Episcopos veteres  
con-

constat controuersias tales audiuisse, citatq; Posidonium in vita S. Augustini, quem etiam affirmat multum fuisse occupatum in eiusmodi controuersijs audiendis, & decidendis.

Cùm aduersarij Romanæ Ecclesiæ probè nouerint admissis sacrorum Conciliorum decretis sponte sua corrumpere ea, quæ aliquot ab hinc annis cœperunt aduersus perpetuum Ecclesiæ Christianæ sensum spargere, ideò non est mirandum, si quantum in se est, auctoritatem Sacrosanctam Conciliorum eleuatum eant. Quàm verò veteres eiusmodi Concilia venerati fuerint, quantum ipsorum declarationibus detulerint, dicit Casaub. Epist. ad Regem Maioris Britannia in Exercitationes suas ad annales Cardinalis Baronij: *Tempore B. Gregorij Magni stabat suum vis, & in Ecclesia summa auctoritas Concilij vniversalibus.* Contr. Rittersch. c. 2. p. 1. n. 1. ad Nouellas Iustiniani: *Marcianus vetuit reuocari in disputationem, aut retractari ea, quæ semel iudicata sunt. In contemptores huius legis grauissimas constituit pœnas l. 4. nemo Cod. de Summ. Trinit. Rationes inseruntur. Primò. Quia disputatores isti iniuriam faciunt reuerendissimæ Synodo. Secundò. Prophanantur mysteria. Tertiò Tumultus occasio generatur. Ibid. In vniuersum septem sunt in Ecclesia Græcorum habita Concilia OEcumenica, quorum etiam vindicem, & seruato-*  
*rem*

*rem esse oportere Imperatorem ait liber de Iure tit. 1. c. 7. l. 2. tom. 1. Græc. Romani Iuris pag. 178. Christophorus Iustell. præfat. in Codicem Canonum Eccles. Afric. Verissimum est, quod Augustinus scripsit; Conciliorum in Ecclesia saluberrimam esse auctoritatem. Nec immerito ab omnibus ferè Patribus veteris Ecclesiæ passim laudata est sacrorum Comitiorum publica, ac propè necessaria utilitas. ibid. Quatuor Conciliorum tanta fuit apud omnes dignitas, & auctoritas, ut perinde ac sacræ Scripturæ susciperentur, singularisq; honos, quoad Fidei dogmata, videlicet tanquam ex eodem fonte ducta, haberetur. Id testatur Iustinianus Nouell. 131.*

Hæretici Septimum, & Octauum Concilia Generalia reiiciunt; cum ijs damnetur hæresis Iconomachorum: Iustellus tamen ait; octo Concilia generalia in Oriente fuisse conuocata in notis ad Canones African. p. 33. *In tot, inquit, sæculis Christiani nominis plura non extant in Oriente, quàm octo O Ecumenica Concilia.*

## De Iure Canonico. Caput XIV.

**H**Æretici cùm semel statuerint quàm longissimè ab Ecclesiæ Catholicæ moribus recedere, ijsq; euerfis pro suo lubitu rem Christianam  
insti.

instituire ( si tamen Christiana vocari potest , quæ Christianismum oppugnat ) Canones veterum Conciliorum, sententias Sanctorum Patrum, Pontificum Romanorum rescripta , eorumq; collectionem, quam Ius Canonieum vocamus, explodunt , & vel absquẽ vlla sacra politia in diem viuunt, vel nouas ipsi sibi figunt leges . Quid verò visum fuerit antiquis Christianis de Sacrorum Canonum Codice prolixè docet Christophorus Iustellus præfat. in Cod. Canon. Ecclesi. Vniuers. In Concilijs, inquit, duo Codices poni solebant, *Codex Sacræ Scripturæ, & Codex Canonum*, vt ex eorum Iure Episcopi inter se dogmata pietatis explorarent, obortas hæreses refutarent, & controuersias ad disciplinam Ecclesiasticam, sacramq; politiam pertinentes dirimerent . Hunc morem indicat Epist. Synod. Concil. Aquileiæ tom. 1. Concil. & in act. 1. Concil. 8. OEcum. Codicis verò Canonum ipsa quoq; Chalcedonensis Synodus meminit, atq; ex eo Patrum Canones citat, & eorum iure de controuersijs pronunciat . ibid. Hinc liquidò constat maiores habuisse certam Canonum collectionem, seu corpus regularum, ac definitionem ex certis Concilijs, certo etiam numerorum ordine collectum, atq; communi Ecclesiæ vniuersæ auctoritate confirmatum. Idem præf. in Cod. Ecclesi. Afric. Synodicarum autem collectionum duo genera fuisse, quarum primum Conciliorum acta ad dogmata

dogmata , & fidei doctrinam spectant, continebat,  
 & συναγωγή τῶν ἐκκλησιαστικῶν, vcl Synodicon à Socrate vo-  
 catur l. 3. c. 21. Alterum verò Canones Conciliorum,  
 qui ad disciplinam Ecclesiasticam, sacramq; poli-  
 tiam spectant, & βιβλίον κανόνων in Concilio Chalce-  
 donensi nuncupatur. Hinc frequens διατὸν πῶσις, &  
 κανόνων distinctio apud Ecclesiasticos Scriptores  
 Græcos.

De Ecclesiæ Catholicæ visibilitate,  
 duratione, & autoritate.

### Caput XV.

**E**cclesiam Catholicam tanquam Ciuitatem in  
 monte positam, & tabernaculum in Sole con-  
 stitutum neminem prudentem latere posse dogma  
 est Catholicorum aduersus Hæreticorum latebras,  
 qui inuisibilem statuunt Ecclesiam, ne scilicet sua  
 conuenticula deserere, & S. Romanæ Ecclesiæ sese  
 associare cogantur. Quid verò etiam hac in re do-  
 cuerint Vereres, & in primis S. Augustinus videre  
 est apud Casaub. in Epist. ad Cardin. Perronium  
 p. 9. Olim ( temporibus Augustini ) Ecclesia Ca-  
 tholica erat omnibus nota, perspicua, certa, ut de ea  
 ambigere nemo sanæ mentis posset, longè, latèq; per  
 orbem terrarum diffusa.

Eccle-

Ecclesiam Catholicam non negant impij Hæretici olim rectè sensisse de dogmatibus fidei, atq; adeò affirmant habuisse tunc Christum sponsam in his terris impollutam, successu verò temporis illam in errores incidisse, Ecclesiamq; esse desisse, atq; adeò Ecclesiam posse deficere, quod certè repugnat sensui Antiquorum, quod testatur Calvinus l. contra err. Serueti: *Verissimè ergo Augustinus docet, si Christus cum Ecclesia perpetuò coniunctus non esset, fore ut illa minus consequeretur, quàm ei Propheta tribuunt, ut sit Redemptor Sion, & salutare illud, quod viderunt omnes fines terræ. Prudenter etiam infert, qui Ecclesiam abolitam docent, Ecclesiæ membra esse non posse.* Casaub. Exercit. 16. S. 32. *Ex illo tempore (S. Augustini) Ecclesia Catholica non desijt illa quidem: erit enim, neq; portæ inferorum præualituræ unquam sunt aduersus ipsam fundatam in fide Petri, & caterorum Apostolorum.*

Hæretici, ut maximo fastu tument, non rarò etiam aduersus totius Ecclesiæ Catholicæ auctoritatem excipiunt, docentq; quod placet, siue id Ecclesiæ probetur, siue improbetur. Non ita veteres, non ita D. Augustinus, qui iudicat insolentissimæ esse insanix disputare aduersus id, quod tota Ecclesia facit. Hinc Casaub. Epist. ad Cardinalem Perronium p. 22. *Nec dubitat Rex cum B. Augustino*

*Stino pronunciare, quod probatum fuerit Ecclesiam à prima sua origine ad illa usquè tempora seruasse, id tanquam impium velle reijcere insolentissimæ esse insania.*

Tantum verò abest, vt veteres Christiani Ecclesiæ Catholicæ præceptis vnquam se oppoluerunt, vt Episcopi sedes Patriarchales summa reuerentia obseruarent, illisq; paruerint. Casaub. Exer. 14. §. 4. *Syneſius scribit initio Epist. Diuinitus mihi imposita est necessitas, vt pro lege habeam, quicquid illa sedes constituerit: Tanta erat olim sedium Patriarchalium apud minores Episcopos reuerentia.*

## De quibusdam notis Ecclesiæ.

### Caput XVI.

**C**atholici assignant notas quasdam, quæ in sensus incurrunt, ex quibus non difficile fuerit Ecclesiam Catholicam agnoscere, & agnitæ adherere. Hæretici studiosè illas obscurare satagunt, nè scilicèt sectatores amittant. Inter notas autem, quas afferunt veteres non contemnenda est ipsum nomen Catholicum. Afferunt nempe Christianos veros à nullo homine priuato nomen accipere, vnde inferunt eos, qui à priuatis hominibus  
sectæ



sectæ auctoribus appellantur esse Hæreticos. Fate-  
tur hoc Piscator aduers. Schafm. p. 276. *Ad illud  
quod exaggerat Schafmannus; Iohannes Nicolaitas  
à primo sectæ authore nominauit, deinde Iustinus  
& Chrysostomus testantur quoslibet nouæ doctrinæ  
auctores nomen suis sectatoribus indidisse. Idem  
in OEcumenicis Concilijs factitatum est.*

Hæretici, qui non ita pridem ebulliuerunt, ca-  
rent successione perpetua Episcoporum ab exordio  
Ecclesiæ, vnde ne dicantur carere Ecclesia, negant  
Ecclesiam veram agnoscendam ex successione.  
Quæ fuerit mens Antiquorum hac in re docet Cal-  
uinus l. 4. Instit. c. 2. §. 3. vbi fatetur Irenæum,  
Tertullianum, Origenem, Augustinum, Optatum,  
merito, & optimo iure successionem Doctrinæ ab  
Apostolis ad ipsos vsquè perductæ contra Hæreti-  
cos obiecisse, & verum sumpsisse, quod omnibus  
erroribus nouis conficiendis sufficeret. Beza Ep. 1.  
*Et unde quæso te tum Ecclesia agnita est? (Tempo-  
re Arrij Eutychetis.) Hic video recurrere ad Apo-  
stolicam successionem plerosquè veteres.*

In primis verò ad successionem Episcoporum  
Romanæ Ecclesiæ respexerunt, teste Aman. Pola-  
no in Symphon. Catholica c. 18. §. 64. *Fidèles,*  
inquit, *olim ad successionem Episcoporum Romanæ  
Ecclesiæ, quæ tunc pura in doctrina fidei, & ortho-  
doxa erat, respiciebant, vt Irenæus, Tertullianus,*

C

Augu-

*Augustinus*. Casaubon. Exerc. 15. §. 15. p. 310.  
*Augustinus ait*: Numerate Sacerdotes, vel ab ipsa  
 sede Petri, quasi dicat; quoniam longum est omnium  
 Ecclesiarum numerare Sacerdotes, ubi doctrina  
 Catholica semper est seruata à principio, & nunc  
 maximè seruatur, saltem consulite Romanos Epif-  
 scopos à primo illius auctore Petro.

Ex miraculis ut olim agnita est veritas, & Ec-  
 clesia Christi, sic semper agnosci posse, & debere;  
 nemo est, qui non videat, modò miracula fiant.  
 Vtut autem desierint fieri miracula illa frequentia,  
 qua sub initia Christianismi fiebant, nunquam ta-  
 men aliqua Ecclesiæ quouis seculo defuerunt.

Casaub. pro leg. contra Baron. Post sextum secu-  
 lum miraculorum fuit benigna copia, verorum sine  
 dubio multorum. Idem Exerc. 16. §. 152. Vbi verò  
 semel constituta est Ecclesia, & scripturis sua con-  
 stitit in Ecclesia Dei authoritas non planè quidem  
 miracula fieri desierunt, semper enim facta sunt,  
 & verissimum est, quod super eo scribit August.  
 Retract. l. 1. c. 13. sed fieri ita, ut initio, & com-  
 muniter desierunt. Itaque sæpè legas apud Patres  
 desisse gratiam miraculorum, Chrys. lib. 4. de Sa-  
 cerd. Augustinus varijs locis.

De Romanæ Ecclesiæ reuerentia, &  
Pontificum Romanorum erga  
Ecclesiam Dei meritis.  
Caput XVII.

**M**aximo odio in Ecclesiam Romanam flammant Hostes veritatis, non desunt tamen, qui ipsi testimonium perhibent, fatenturq; maximi à veteribus factam. Casaub. Exerc. 15. §. 15. p. 310. *Illis temporibus (Irenæi, Tertulliani, Augustini) Romana Ecclesia confessione omnium sanctissima, integritate fidei florentissima; & propter successionem Petri, ciuitatis maiestatem, & ipsum imperium nobilissima, ac notissima. Augustinus ait: Numerate Sacerdotes vel ab ipsa sede Petri, quasi dicat, quoniam longum est omnium Ecclesiarum numerare Sacerdotes, ubi doctrina Catholica semper est seruata à principio, & nunc maxime seruatur, saltem consulite Romanos Episcopos à primo illius sedis auctore Petro.*

Aduersarij cæco furore acti conuicijs proscindunt Romanos Pontifices, illos quasi doctrinam Catholicam corruerint, accusant. Quàm verò benè de Ecclesiâ Dei sint meriti, dum fidei inte-

gritatem conseruarunt, dicat Casaub. Exerc. 15. S. 15. p. 312. *Nemo peritus rerum Ecclesiæ ignorat opera Romanorum Pontificum per multa secula Deum esse usum in conseruanda sarta recta recta fidei doctrina.* Idem Exerc. 14. S. 4. fatetur Romanum Pontificem olim dictum Apostolicum, & addit: *Negare non possumus, nec debemus, veterum illius sedis Episcoporum ea extitisse in uniuersam Dei Ecclesiam merita, ut hoc habere, & quouis alio esset dignissimus.* De Sancto Leone Magno idem Casaub. Exerc. 15. S. 11. p. 312. *Non ignoramus quantus fidei sincera fuerit defensor, & pro recta fide quantos labores sustinuerit, quam Ecclesiæ Dei utiles.* Hæretici, ut Ecclesiæ Romanæ concilient odium, populosq; ab illius vnitatem abducant, exaggerant prauos mores quorundam Catholicorum. At propter malos non debere deferi Ecclesiam docent veteres, teste Polano c. 21. Symph. Catholicæ S. 5. *Non est, inquit, recedendum à coniunctione Ecclesiæ propter malos mixtos bonis contra Anabaptistas, & probat Augustinus lib. 1. contra Donat. post collat. c. 29. Tolerandos potius in Ecclesia malos, quam propter eos Ecclesiam deferendam, ut præceptum admonuit Cyprianus, & suo confirmauit exemplo.*

# De nomine Clericorum, & electione Ministrorum Ecclesiæ.

## Caput XVIII.

**H**Æretici nullo modo ferunt, vt Ministri Ecclesiastici Clerici, cæteri verò laici appellantur. An autem apud veteres Christianos in vsu fuerit eiusmodi distinctio, & appellatio, patet ex ipsorum Aduersariorum scriptis. Caluin. Coment. in 1. Petr. 5. *Vtinam nunquam Patribus venisset in mentem vt hac voce (Clerus) vterentur.* Fran. Iunius ad l. 1. c. 1. Card. Bellarmini de Clericis non negat hanc distinctionem S. Patribus placuisse. Ritterschf. Comment. in Saluian. p. 136. *Vsitatissima, & verustissima est Christianorum partitio in Clericos, & laicos.*

Ius Electionis ad Ecclesiastica munera deberi Ecclesiasticis hominibus negant Hæretici, illudq; summis Potestatibus secularibus, aut plebi, aut Presbyrio, quod constituitur apud ipsos partim ex Ministris, partim ex Senioribus laicis, tribuunt. De veterum sententia hac in re scribit Hugo Grotius in suo Apologetico aduersus Hollandos c. 7. *Girca electionem ad Episcopi dignitatem discrepauit consuetudo. Nam quibusdam in locis electio facta*

est à presbyteris, & diaconis, alibi ab eisdem, sed conscia plebe, aut de plebe præcipuis. Quod si qua incideret controuersia fermè Episcopus Urbis Matricis, quem Metropolitam vocant, certamen dirimebat.

## De ordinibus Ministrorum Ecclesiæ.

### Caput XIX.

**C**Aluiniani Geneuenses vnum ordinem Ministrorum statuunt, quibus addunt laicos quosdam, quorum annuum est munus, eorumq; alios vocant seniores, qui cum Ministro plebi præsunt, alios diaconos, qui eleemosynarum curam habent. An consentiant cum antiquitate discant ex Contr. Ritterf. part. 1. c. 7. Com. in Nouellas. Notetur, inquit, quod ait Optatus Mileuitanus l. 2. aduers. Parmen. *Certa membra sua habet Ecclesia, Episcopos, Presbiteros, Diaconos, Ministros, & turbam fidelium.* Idem l. 1. p. 16. *Ordinem Hierarchiæ Ecclesiasticæ ad hunc modum recenset, Primò. Episcopos ponit tanquam Apices, ut vocat, & principes omnium. Secundò. Presbiteros, quos dicit in secundo sacerdotio constitui. Tertiò. Diaconos in tertio. Quartò. ponit Ministros plurimos, id est, Hypodiaconos. Cantores, sive Psalmistas, Lectores, Acolythos.*

ibos. Ignat. Epist. 7. ad Smyrnens. Omnia à vobis bono ordine perficiantur in Christo, laici diaconis subordinentur, diaconi presbiteris, presbiteri Episcopo, Episcopus Christo, sicut ipse Patri, & Epist. 2. ad Trallianos.

Episcopos eisdem esse cum Presbiteris iidem Geneuentes docent; hinc Episcoporum ordinem, vbicunquè potuerunt, sustulerunt. De sensu, & praxi veterum testatur Sarauia l. de diuersis Ministr. gradibus: Tria, inquit, sunt in quibus sine ullo verbo Dci Ecclesie nostrae à prisca antiquitate recesserunt; primum est Episcoporum abolitio. Idem ibid. In hac re ab antiquitate vniuersali, & sibi consentiente, & per omnes etates constante receditur.

Presbyteros iidem Geneuentes temporarios, & annuos, & laicos inuenerunt. Quid autem de illis sit statuendum docet idem Sarauia ibid: Tria, inquit, sunt in quibus Ecclesie nostrae à prisca antiquitate recesserunt; alterum presbyterorum temporariorum inuentio. Idem l. 3. Apol. cont. Bezam: Quis ex Patribus nostros Presbyteros annuos agnosceret veros esse, & legitimos?

Per Presbyterium apud D. Paulum intelligunt Calviniani cœtum seniorum laicorum cum Ministro. Aliter vitum est veteribus teste Iustello in Can. 38. Cod. Can. Eccles. Vniuers. Presbyterium, inquit, accipitur pro confessu presbiterorum, cui

præerat Episcopus 1. Tim. 4. v. 14. Ignat. in Epist. ad Antioch. salutatur τοῦ ἀγίου Πρεσβυτέρου. Et in Epist. ad Trall. Presbiterium indicat his verbis: Quid verò est Presbiterium nisi cœtus sacer, consiliarij, & confessores Episcopi? Cornelius urbis Romæ Episcopus apud Cyprian. l. 3. Ep. 11. omni actu ad me perlato placuit contrahi sacrum Presbiterium.

## De Diaconorum ordine, & munere.

### Caput XX.

**G**eneuenses inuenerunt Diaconos quosdam, quorum munus annuum est, laicos planè; ignotos omninò antiquitati, vt scribit Sarauia loco iam adducto. Tria, inquit, sunt, in quibus Ecclesie nostræ à prisca antiquitate recesserunt. Alterum Diaconorum temporariorum inuentio, & tertium eorum officium, & functio. ibid. In hac re ab antiquitate vniuersali, & sibi consentiente, & per omnes ætates constante receditur. Idem l. 3. Apolog. contra Bezam: Olim tres partes diaconie fuerunt. ibid. Quis ex Patribus nostras Diaconos annuos agnosceret veros esse, & legitimos? ibidem: Patrum Diaconi, veri erant Diaconi, & ad illud ministerium ordinati non in annum, sed quamdiu dignè sua vocatione viuerent.

Dia-



Diaconi Geneuenses laici solum calicem in cœna Caluiniana porrigunt populo. Diaconi veteris Ecclesiæ porrigebant panem, & populo ministrabant. Iustellus ad Can. 22. Eccles. vniuers. *Diaconi olim panem, & calicem ministrabant populo. Iustinus Martyr apol. 2. Qui dicuntur apud nos Diaconi dant unicuique eorum, qui adsunt percipiendum panem, & vinum, & aquam, quæ cum gratiarum actione consecrata sunt, & ad eos, qui absunt perferunt. Cypr. Serm. de lapsis.*

## De cœlibatu Sacerdotum, & Virginitatis dignitate.

### Caput XXI.

**C**œlibatum magnopere improbant Hæretici in Sacerdotibus, piæ antiquitatis in hac quoque re desertores. Caluin. l. 4. Inst. c. 4. §. 10. *Peccauit Antiquitas modica seueritate, quod plus requireret in Episcopo, quàm Paulus requirat, ac præsertim successu temporum cœlibatum.* Ritterich. p. 1. c. 7. in Nouell. *In persona Episcopi eligendi ex Nouellis requiritur, ut sit cœlebs, & orbis.* Caluin. l. 4. Instit. c. 12. §. 23. *Quod sacerdotibus interdictum fuit coniugium id factum est etiam norat in margine Syricium Epist. ad Episc. Hispani*  
qui

qui vixit quarto seculo. *Hæc*, inquit Calvinus, *quæ videbantur reuerentiam Sacerdotio conciliare, magno applausu etiã antiquitus recepta esse fateor.*

Christophorus Iustell. in notis ad Canones Africanos can. 97. *Diaconi, Presbiteri, sed & Episcopi ab uxoribus se contineant. vide, inquit, Can. 3. 4. & 6. & 70. huius codicis, & Can. 46. Cod. Can. Eccles. Vniuers.* Canon autẽ tertius Cod. African. sic habet: *Aurelius Episcopus dixit: Cum præterito Concilio de continentia, & castitatis moderamine tractaretur, gradus isti tres, qui constrictione quadam castitatis per consecrationes adnexi sunt, Episcopos, inquam, presbiteros, & diaconos, ita complacuit, ut condecet sacros Antistites, ac Dei Sacerdotes, nec non & leuitas, vel qui sacramentis diuinis inseruiunt, continentes esse in omnibus, quò possint simpliciter, quod à Domino postulant, impetrare, ut quod Apostoli docuerunt, & ipsa seruauit Antiquitas, nos quoque custodiamus.*

Sanè reuerentiam conciliabat Sacerdotio cœlibatus, quandoquidem, quicquid dicant Hæretici, Virginitas longè præstat Matrimonio iuxta sensum antiquorum, de quo hæc habet Contr. Ritterf. in Nouell. Iustiniani p. 1. c. 7. *Pauli in 1. Cor. 7. auctoritatem secuti plurimi S. Patres virginitatem matrimonio anteposuerunt.* Idem in lib. 4. Ep. 125. *S. Isidori Pelusiota: S. Isidorus docet virginitatem*

anti-

antistare coniugio, quæ & Apostoli Pauli, & omnium veterum Ecclesiæ Doëtorum, & ipsius adeò Christi sententia unanimis est, ut demirer repertos fuisse, qui dissentire sint ausi: Ignat. Epist. 6. ad Philadelphos, Epist. 10. ad Heron. Diacon. Antioch. Gregor. Nazianz. περὶ φραπτωχίας: ἰσοῦς ἐκ Παρθένου γυνώμενος, ἵνα καὶ γύνῃσιν τιμὴ, καὶ προσημύση Παρθένια  
& Basil. Magn. & Damasc. lib. 4. de Orthod. fid. c. 100. Beda, Cyprianus, Theodor in Cantic. Sulpit. Seuer. in dial. ubi sub persona B. Martini sic ait: Beata species, & Deo digna. Nihil enim est virginitati comparandum. Ita & illi, qui coniugia fornicationi comparant, vehementer errant, & illi, qui coniugia virginitati existimant comparanda, miseri penitus, & stulti sunt. Verum hæc à Sapientibus tenenda distinctio est, ut coniugium pertineat ad veniam, virginitas spectet ad gloriam, fornicatio deputetur ad pœnam, nisi satisfactione purgetur.

## De vita Monastica.

### Caput XXII.

**H**Aeretici sunt aperti hostes Monachorum, eorumq; collegia, & edes vbicunq; possunt, tollunt, parum pensi habentes quicquid veteres hac de re senserint, qui quanto in honore habuerint

rint institutum hoc colligimus ex ijs, quæ Contr. Rittersch. habet p. 1. in Nouell. Olim ex Monachis plerunq; Episcopi eligebantur, quod & multis exemplis Ecclesiasticæ historiæ probari potest. Imò disertè iubet Imperator, ut non ex plebe assumatur Episcopus, sed ex Clero, & Monasterio. ibid. Institutum Monachorum ipsum fuit sanctissimum, & plurima ex Monasterijs lumina Ecclesiæ Christianæ prodierunt, imò & S. Basilus, & S. Augustinus, & alij accuratas regulas exercitiorum sanctorum præscripserunt, quæ appellantur *ἀσκητικά*. Sicut Monasteria ipsa dicta sunt *ἀσκητήρια*, ab *ἀσκησις* exercitium. Fuit enim tempus cūm ferè quicquid in orbe terrarum eruditionis esset, quicquid librorum, id omne Monasteriorum claustris contineretur. ibid. Constat vel ex Philonis in vita Contempl. testimonio, quod & Hieronymus laudat in l. de Scriptoribus Ecclesiasticis antiquissimum hoc esse institutum, fluxisseq; ex moribus primorum Christianorum, de quibus testatur Lucas in act. c. 2. v. 44. & 3. seqq. & 4. v. 32. 34. 35. Deniquè & Possidonius satis apertè indicat in vita Augustini. Maximè verò in Palæstina siue Syria, & AEgypto Monachi primitus extiterunt. ibid. Porro magna Elogia, & amplæ laudes huic vitæ generi adscriptæ sunt, cuiusmodi colligi possunt ex Chrysost. & alijs sanctissimis Patribus, si hoc ageremus. Contenti simus istis ab Imperatore pro-

prolatis, Nouell. 5. Conuersationis monachalis vita  
 sic honesta est, sic commendare nouit Deo ad hoc  
 venientem hominem, ut omnem humanam eius ma-  
 culam detergat, ac parum & rationibus naturæ de-  
 centem, & plurima secundum mentem operantem,  
 & humanis cogitationibus celsiorem reddat. & no-  
 uell. 133. ibi. Fuit tempus cum ita homines ad mo-  
 nasteria confluerent, ut etiam militiæ se subtrahere-  
 rent. ib. Suut autem stupenda, quæ de eorum duri-  
 tie, alijsq; virtutibus, & miraculis passim legimus  
 apud Athanasium, Hieronymum, Theodoretum,  
 Sulpitium Seuerum Buchananus l. 4. rerum Scotic.  
 Multi ex Britonibus ad Scotas seuitiam Diocletia-  
 ni timentes confugerant, è quibus complures vitam  
 solitariam tanta sanctitatis opinione apud omnes  
 vixerunt, ut vita sanctorum cellæ in templa com-  
 mutarentur, &c. hoc genus Monachorum Culdeos  
 vocabant. Casaub. Exerc. 2. S. 13. p. 9. Patres pecu-  
 liari notione τῆλεῖς illos appellarunt, qui mundo re-  
 nunciassent, & vitæ austerioris propositum suscepis-  
 sent. Sic verbum ἀσκήσις peculiariter usurpabant de  
 Monachis, & Sanctimonialibus. Patres solent vitas  
 austiores, si quæ extiterunt sub lege προαναγονήσεις  
 τῶ τῆς κείας διαθίκης πολυτεύματος vocare. Rittersch. in  
 Saluian. p. 407. puellas in sacris altaribus constitu-  
 tas Nonnas, seu Moniales in altaribus antiquitus  
 consecrabant, Deoq; vouebant. Casaub. Exerc. 13.  
 S. 6.

§. 6. *Proprium igitur hoc Christianorum veterum, qui ad exercitia pietatis cilicia è pilis contexta adhibuerunt. ibid. Fatemur non paucos è patribus dixisse austeri propositi, atque ut ipsi loquuntur τῆς κατὰ θεὸν τελείας ἀσκήσεως exempla fuisse edita ab Elia, & Iohanne. ibid. Monachi fuerunt antiqui Patres Antonius, Basilius, Paulus, Chrysostomus, & id genus alia Christianæ Religionis lumina fulgentissima.*

Eremitas non alio, quàm bestiarum loco habent iidem heretici. Sed à D. Chrysostomo vocantur ἄγγελοι ἐν ὄρεσιν, teste Ritterisch. Comm. in Saluian. p. 593. quòd in montibus ac solitudinibus angelicam vitam agerent.

## De voto Continentiæ.

### Caput XXIII.

**C** Aluiniani omnia in vniuersum vota impugnant, sed præsertim illud, quo Deo promittitur perpetua continentia, quam tamen Veteres & doctrina & vsu probarunt. Contr. Ritterisch. Comm. in Saluian. p. 375. *Non fuisse verò hoc olim nouum, ut coniuges post vnā alteramq; susceptam sobolem deinde mutuo consensu continentiam seruarent, cum aliunde discimus, tum ex Sidonio Apollina-*



# De pœnis hæreticorum.

## Caput XXIV.

**T**Oti in eo sunt hæretici, vt dogmata sua longè, latèq. disseminent, & fautores acquirant indies, hinc asserunt fas esse debere vnicuique sentire, & docere de religione, quod optimum visum fuerit, neque animaduertendum in quemquam eò, quod Catholicam non frequentet Ecclesiam. Aliam fuisse mentem Antiquorum docent ipsimet Nouatores. Contr. Rittersch. c. 2. p. 5. in Nouell. *Pœna hæreticorum erant. vel Ecclesiastica, vt depositio, vel ciuiles, vt relegatio. & c. 3. nu. 5. Notandum, quòd hæreticis nisi resipiscant, & ab insania sua, aliorumq. seductione desistentes ad sanctam Dei Ecclesiam recipiantur, austeritatem legum, & pœnas Imperator comminatur & c. conuenticula ipsos habere prohibet ac domos, in quibus conueniant, suis dominis ademptas Ecclesia addicit. Iustell. ad Can. 99. Concil. Afric. Huc spectat rescriptum Impp. Arcadij, Honorij, & Theodos. ad Diotimum Proconsulem Africae l. 2. C. Th. de Relig. Edictum quod de unitate per Africanas regiones clementia nostra direxit, per diuersa proponi volumus, vt omnibus innotescat, Dei omnipotentis vnã & veram fidem Catholicam, quam recta credulitas confi-*



confitetur esse retinendam. *ibid.* Aug. ep. 50. *Quicquid nomine Ecclesiarum partis Donati possidebatur, Christiani Imperatores legibus Religiosis ad Catholicam transire iusserunt. & tract. 6. in Iohannem.* leguntur leges manifestæ, ubi præceperunt Imperatores eos, qui propter Ecclesiæ Catholicæ communionem usurpant sibi nomen Christianum, nec volunt in pace colere pacis auctorem, nihil nomine Ecclesiæ audeant possidere. Marcellinus in edicto, siue sententia contra Donatistas inter acta Concil. Carthag. Vniuersos ordinis viros, senioresq; omnium locorum huius edicti auctoritate commoneo, quatenus memores legum, dignitatum, æstimationisq; salutis propriæ, Donatistarum conuenticula in omnibus Ciuitatibus, & locis prohibere contendant, ita vt Ecclesias, quas eis humanitate mea absque imperiali præcepto vsque ad diem sententiæ constat indultas, Catholicis tradere sine vlla dilatione festinent. Hanc sententiam cognitionis Marcellini consecutum est rescriptum Honorij ad Seleucum P.P. quo laicos pecuniarijs pœnis puniuit, clericis verò exilium irrogauit, illorumq. Ecclesias potestati Catholicæ vindicauit. l. 52. C. Th. de hæreticis: Clerici, Ministriq; eorum, ac perniciosissimi sacerdotales ablati de Africano solo, quod ritu sacrilego polluerunt in exilium viritim ad singulas quasque regiones sub idonea prosecutione mittantur: Ecclesiis eorum, vel con-

D

uen-

uenticulis , prædijsque, si qua in eorum Ecclesias hæreticorum largitas praua retulit , proprietati potestatiq; Catholicæ (sicut iamdudum statuimus) vindicatis .

## De precibus pro Defunctis .

### Caput XXV.

**H**æretici petiati indicto bello , ficta sibi facilitate perueniendi ad regnum coelorum , ignem purgatorium impugnant , precesq; eleemosynas , ac alia Christianæ pietatis opera , quibus animæ piorum defunctorum subleuantur, tandemq; liberæ ad cœlum proficiscuntur nedum omittunt , sed vt impias respuunt . Quibus sufficit opponere id , quod Ecclesia semper fecit religiosè , quod ipsimet disertè exponunt sæpius . Conr. Rittersch. Comm. in Saluian. p. 464. *Solebant iam olim in Ecclesia Catholica pro omnibus hominibus non modo adhuc vitum degentibus , sed etiam corporum vinctiōe solutis orare , vt est apud Arnob. l. 4. aduers. Gentes propè finem , & S. Chrysost. non vno loco , necnon apud Iohan Damasc. πρὸς τὸν ἐν πέντε κεκοιμημένον .* Casaub. Epist. ad Perr. p. 29. *Vetustissimam esse consuetudinem , vt in publicis Ecclesiæ precibus commemoratio fiat Defunctorum , vt quies illis petatur à Deo,*

à Deo, qui in pace Ecclesiæ sunt mortui, pauci hodie ignorant, nedum Serenissimus Rex negat. ib. Non tantum sibi Rex sumit, ut veteris Ecclesiæ usu probatum institutum ausit condemnare: Augustana Confessio: Scimus loqui Veteres de oratione pro mortuis, quam nos non prohibemus. Calu. l. 3. Inst. S. 5. Non negat ante mille & trecentos annos usu receptum fuisse, ut preces fierent pro defunctis. Iustell. ad Can. 213. ad verba: Eius nomen inter Dei sacerdotes nullo modo recitetur. Cypri. l. 1. ep. 9. Neque enim ad altare Dei meretur nominari ne sacerdotum prece, qui ab altari sacerdotes, & ministros auocare voluit. Augustinus ep. 137. Nomen autem presbyteri propterea non ausus sum de numero collegarum eius vel suppressere, vel delere. & paulo post: Et nunc si vobis placet, ut nomen eius non recitetur. Illius etiam recitationis meminit Gelasius PP. ep. 8. ad Anastasium Imperatorem, de Acacio loquens, quo in sua perfidia & damnatione moriente, tam eius in Ecclesiastica recitatione non potest nomen ascribi, quàm externæ contagium non debet communicatio-  
tionis admitti. Epiph. l. 1. hær. 75. postea verò de eo, quòd proferantur nomina vita defunctorum. Lascius in defens. Volani p. 146. Patres supplicandum esse pro mortuis, & sacrificium esse offerendum senserunt. Iustellus ad Can. 41. African. Defunctorum siue Episcoporum, siue cæterorum commendatio ) ad

hæc verba notat: *Augustinus de verb. Apostol. serm. 32. & 34. hoc à patribus traditum vniuersa obseruat Ecclesia, ut pro eis, qui in corporis, & sanguinis Christi communione defuncti sunt, cum ad ipsum sacrificium suo loco commemorantur, oretur. & statim: Cum verò eorum commendandorum causa opera misericordiae celebrantur.*

Purgatorium esse sacrificiaque, eleemosynas, & alia prodesse animabus defunctorum, probamus etiam ex apparitionibus animarum, quæ asseruerunt se fuisse in purgatorio, petieruntq. sibi subueniri. Respondent Calviniani eiusmodi apparitiones non alio loco habendas, quàm diabolicarum illusionum. Aliud verò fuisse iudicium Veterum hac de re testatur Herm. Rauensperg. in suo Florileg. p. 216. *Cum Augustino, inquit, dicimus aliquando fieri, ut Deus extraordinariè remittat aliquem in vitam. Nam quemadmodum Paulus potuit esse inter Angelos raptus in cælum, ita vicissim animas extraordinariè redire posse ad homines.*

## De inuocatione Sanctorum.

### Caput XXVI.

**H**æretici licet concedant posse & debere viuentes pro viuentibus Deum deprecari, & sc

se inuicem pro eiusmodi precibus interpellare, non tamen ferunt, vt in his terris degentes rogemus sanctos cum Christo gloriosè regnantes, vt Deum pro necessitatibus nostris orent, & beneficia à communi Domino impetrent. Negant autem hoc heretici, pia & Catholica antiquitate refragante. Casaub. epist. ad Card. Perronium. *Reperiuntur, neque hoc Rex nescit in Patribus quarti seculi exempla inuocationis Sanctorum*. Magdeburgenses Cent. 3. c. 4. col. 83. *Videas in Doctorum huius seculi (tertij nempe) non obscura vestigia inuocationis Sanctorum*. Cent. 4. col. 295. Ponunt testimonia ferè omnium illius seculi, vt Athanasij, Basilij, Nazianzeni, Epiphaniij, Efrem, Ambrosij, & Prudentij pro inuocatione Sanctorum. Lasicius in defens. Volani p. 146. *Patres sanctos mortuos inuocarunt*. Oecolampad. in oration. S. Chrysost. de Iuuent. & Maxim. *Sancti in cælo non desinunt pro nobis intercedere*. *Quid mali si hoc petamus fieri? Id quod agit Chrysostomus in laudibus Cypriani*. Melanchthon ad Bellaium: *Deliberare docti possent an talis forma intercessionis constituenda esset in publico, quæ est in Veteribus Ecclesiæ orationibus, ubi fit mentio alicuius intercessionis*. Bucerus in cap. 8. Epist. ad Romanos. *Intellexerunt Sancti Patres, etiam Diuos, qui apud Christum viuunt pro nobis intercedere, & hoc pacto intercessionem, meritaq. eorum respici à*

*Deo asseruerunt Camerar. l. de pijs Ecclesiæ precibus : Pia affectio erga Sanctos , & votum communium precum non potest , ut opinor damnari , quod neque aduersetur doctrinæ cœlesti , & exempla vetustatis extent . Socinus l. de natura Christi contra Volanum p. 230. Non diffitetur Volanus cum contra Loiolitas disputat Athanasium , Hieronymum , Augustinum , Theodoretum inuocationem Sanctorum , vel dicto , vel facto approbasse . Beza præfat. in Nouum Test. Inualescebat eodem tempore mortuorum inuocatio , & Stulta opinio cœlibatus , quos pudendos errores apertè defendit Hieronymus .*

## De veneratione Reliquiarum .

### Caput XXVII.

**T**Antùm abest , vt hæretici reliquias Sanctorum venerentur , vt potius eas vbicunque repererint , conculcent , abijciant , & pessimis modis tractent , vt omnes norunt , qui historias horum temporum , præsertim de rebus Gallicis legerunt . Abeunt hac impietate à sanctis moribus Veterum Christianorum , qui studiosè Sanctorum corpora , aut etiam membra , cineres , vestes , aliaq. conquirebant , conseruabant pretiosa supellectile , osculabantur , alijsq. modis venerabantur . Audiamus Ad-  
uer-

uersarios ipsosmet de pietate Veterum testantes .  
 Casaub. Exercit. 16. S. 104. Testatur B. Augustinus  
*terram sanctam de Ierosolymis allatam valuisse*  
*contra vexationem spirituum malignorum, & con-*  
*tra morbos . Hoc quia tanta pietatis vir non ut ex*  
*incertis rumoribus acceptum, sed ut certò sibi com-*  
*pertum narrat, verum esse nullus dubito . Nec mi-*  
*ror Hesperium terram illam reuerenter habuisse .*  
 Ioseph. Scaliger. animad. in Euseb. p. 237. Marty-  
 rium propriè est altare impositum martyris cineri-  
 bus . Nam qui Martyres, Latinis initio Confessores  
 vocabantur . Postea discrimen constitutum est inter  
 Martyres & Confessores . Ecclesia igitur cum altari  
 cineribus alicuius Martyris superstructo dicebatur  
 Martyrium, & Confessio, quod sumptum est ex Apo-  
 calypsi c. 6. quò allusit Hieronymus in Vigilantium :  
 Ais enim vel in sinu Abrahae, vel in loco refrigerij,  
 vel subter Aram Dei, animas Apostolorum, &  
 Martyrum consedisse . Vide Tertull. in Scorpiâ. c. 12.  
 postea omnis Ecclesia titulo cuiusvis Sancti vocata  
 est Martyrium . Hieronymi in Hilarione : Causam  
 occultandi iuxta præceptum Antonij fuisse referen-  
 tes, ne Pergamus, qui in illis locis ditissimus erat,  
 sublato ad villam suam sancti corpore Martyrium  
 fabricaret . Itaque Ecclesia vocata est Martyrium,  
 quia *καὶ τὸν αὐτὸν τῶν ἁγίων ναὸν καθύπερθε* non licebat .  
 Can. 27. in Trullo : Item id præcipit *τῶν θυσιαστήριον*

καταστέφειν, ἐν ᾧ ἔτε σώμα, ἔτε λείψανον ἀπόκειται μάρτυ-  
 ρος. 83. *Carthag. Idem p. 234. Ossa Andreae Aposto-  
 li. Ex urbe Patris has reliquias necesse est Con-  
 stantinopolim traductas.* Conrad. Rittersch. in  
 Epist. l. i. S. Isidori Pelisiotę : *Notabilis locus de reli-  
 quijs Sanctorum illo aeo honoratis, & quidem non  
 tantum à vulgo hominum, sed etiam ab Imperato-  
 ribus, qui & terrę & maris imperium obtine-  
 bant, quo, ait infra Ep. 5. l. 2. ad Piscatoris sepul-  
 chrum exosculandorum ossium causa se contulisse.*  
*Similia passim apud Chrysostomum. Sic Basilius  
 Magnus, S. Eulogius orat. 5. contra Nouatum in  
 Eclogis Photij p. 889.*

## De signo Crucis .

### Caput X X V I I I .

**S**ignum Crucis nunquam vsurpant heretici, &  
 Catholicos, quibus in vsu frequentissimo est,  
 irrident quasi supersticiosos. Quod verò Catholi-  
 ci huius temporis faciunt, illud semper in more  
 Christianorum passim fuit. Beza Ep. 8. *Crucis con-  
 signatio vetustissima est. Mirificè à Chrysostomo  
 quasi quadam Religionis summa commendatur.*  
 Epist. 11. *Signi crucis olim aliquis fuit vsus.* Ca-  
 saub. Exerc. 13. S. 53. *Narrat Epiphanius mulie-*  
 rem,



rem, ubi videt pudicitiam suam in periculum esse adductam se signasse facto signo crucis, quod primitivæ Ecclesiæ fuit symbolum fiduciæ, quam in Christi passione ponebant. Addit liberatam, fuisse, ἡν δὲ ἔλας ὁ θεὸς τὰ αὐτῆς θαυμάσια. ibid. Scimus Veterem Ecclesiam, & in vitæ communi usu, & in ritibus sacris multum usam esse venerabili illo signo, ut pia ceremonia. Angli in Synodo Londinenſi an. 1603. Honor & dignitas crucis nomini acquisita, etiam & signo crucis, vel ipsa Apostolorum ætate (neque enim contrarium ostendi potest) existimationem peperit honorificam, adeo ut Christiani baud multo post in cunctis actionibus suis eodem uti cœperint, eo ipso palam & aperte testatum facientes etiam ad stuporem Iudæorū se minime sibi pudori ducere, &c. ibid. Huius signi in Baptismo usus in primæva Ecclesia receptus est unanimi consensu, maximoq. omnium tam Græcorum, quàm Latinorum applausu. Ioseph. Scaliger. in animadu. ad Euseb. p. 109. Origenes dixit, Tau, Samaritanorum simile esse cruci, aut T, latino, vel græco. verba ex Ezechiel. 19. δὸς σημεῖον ἐπὶ τὰ μέτωπα τῶν ἀνδρῶν, ibi Origenes: Aquila & Theodotioni σημειώσεις, τὸ ταῦ ἐπὶ τὰ μέτωπα. ἰβραὶ ὠνδε τίς τῶν εἰς σωτήρα πεπιστευκότων εἶλεγε τὰ δεσχαῖα σοιχεῖα ἑμφερὲς εἶκειν τὸ ταῦ τῷ τῆ σαυροῦ χαρακτῆρι. Persuasit doctissimo Hieronymo in illum locum. *Exposit.* Et ut ad nostra veniamus, antiquis Hebræorum literis,

teris, quibus usque hodie utuntur Samaritani extrema Tau littera Crucis habet similitudinem, quæ in Christianorum frontibus pingitur, & frequenti manus inscriptione signatur. Tertullianus eadem verba exponens scilicet in Marcionem c.22. Ipsa est enim littera græcorum ταῷ nostra autem Τ species crucis, quam portendebat futuram in frontibus nostris apud veram & Catholicam Ierusalem. Idem pag.33. Syriæ populis crucis signum maximo conspicientium terrore in orientali plaga apparuit in Chron.Casaub. ad 14. ann. Constant. idem gestum refertur. Id signum Christi apparuit Hierosolymis illo tempore.

## De cultu Imaginum, & templis.

### Caput XXIX.

**S** Acras imagines è templis vbicunque possunt, tollunt hæretici, easq. effringunt, cōburuntq. & tantum abest, vt cum Catholicis cultu & honore afficiant, vt Iconomochos Veteres imitati eo nomine Catholicos Idololatriæ postulent, quod eas colant, & prout decet venerentur. A quorum autem parte stet antiquitas Catholicorum ne an Iconomachorum docebit Aduersarios Contr. Ritterfc. qui transtulit synopsis Conciliorum, quam inseruit

ruit Comment. suis in Nouell. Iustiniani cap. 1. p. 1.  
*Concilium, inquit, septimum sanctum, & œcumenicum iterum Nicææ habitum fuit, Constantino Imperatore, & matre eius Irene (erat autem iste Constantinus filius Leontij Copronimi) octauo anno Imperij ipsorum, fuerunt autem in illo sancti Patres 867. in eo familiam duxere Adrianus Papa Romanus Tarasius Constantinopolitanus, Philitianus Alexandrinus, Theodoretus Antiochenus, Elias Hierosolymitanus. Conuenerunt autem aduersus Iconomachos, idest, Imaginum destructores, siue Christianorum accusatores. Hac igitur sancta, œcumenica, & magna Synodus imaginum præfigurationes pariter cum venerando crucis signo Ecclesiam habere, & suo modo venerari tradidit. Porro Ecclesia Dei cum ipsis Iconomachis etiam sanctorum accusatores auersatur, nō minus eos, quā Iconomachos abominans.*

Hinc patet quantum sit discrimen inter templa Catholicorum tam recentiorum, quā Veterum, & domos, in quibus Caluiniani habent suas conciones. Nullæ nempe in his visuntur imagines, nulla altaria, quæ tamen Veterum pietas in templis extruxit, vt in illis tremendum illud sacrificium offerretur. De templis igitur noto ex aduersarijs sequentia testimonia. Ioseph. Scaliger animaduers. in Euseb. p. 237. *Ecclesia igitur cum altari cineribus alicuius Martyris superstructo dicebatur Martyrium*

rium, & Confessio, &c. postea Ecclesia titulo cuiusvis Sancti vocata est Martyrium, quia absque reliquijs Sanctorum non licebat extruere templum. idem p. 235. Anno 2376. Constantio Imp. Ecclesia maxima dedicatur. Socrat. l. 2. c. 43. Hinc dedicata est magna Ecclesia, quæ Sophia vocatur sub consulatu Constantij decimo, &c. ib. Vita Athanasij coniungit tempus Enceniorum huius Ecclesiæ, & annum quo Iulianus Cæsar est declaratus. ibid. p. 230. Antiochiæ dominicum aureum dedicatur. Phot. p. 772. Athanasius p. 687. Conuocant Synodum in Antiochia prætextu Enceniorum.

Hæretici aiunt eos, qui confugiunt ad templa, posse abstrahi & puniri à Magistratu. Aliud est visum Veteribus, vt colligere est ex Iustelli Notij ad Africana Concilia ad pag. 161. vbi sic legimus: Episcopi susceperunt legationem, vt profugientibus ad Ecclesiam quocunque reatu inuolutis legem de gloriosissimis principibus reuereantur, ne quis eos audeat abstrahere. Ad quæ verba notat Iustellus p. 68. Huc spectat Honorij Imperatoris rescriptum ad Sapidianum, Vicarium Africæ pro Ecclesia Africana l. 34. C. Th. de Episc. & Cler. Si Ecclesiæ venerabilis priuilegia cuiusquam fuerint, vel temeritate violata, vel dissimulatione neglecta, commissum quinque librarum auri (sicuti etiam prius constitutum est) condemnatione plectatur.

De

## De diebus festis, &amp; processionibus.

## Caput XXX.

**C** Aluiniani Puritani omnia festa sustulerunt præter diem dominicum, ipsum diem Natalem Domini obseruare non dignantur. An impia hac negligentia imitentur Veteres dicant ipsi. Casaub. Exerc. 2. §. 11. *Verissimum est Veterem Ecclesiam anniuersario cultu celebraſſe diem aduentus Magorum*. Melanchthon ad Bellaium: *Possent retineri Sanctorum honores, quales fuerunt in Veteri Ecclesia*. Nam ex Hieronymo, Ambrosio, Basilio, Nazianzeno apparet dies festos Sanctorum celebratos fuisse. Casaub. exerc. 16. §. 111. *Hebdomadis magnæ ante Pascha obseruationem esse vetustissimam, nemo peritus institutorum Ecclesiæ antiquæ potest ignorare*. Ego sanctissimam illam consuetudinem iam inde à temporibus Apostolicis, initium habuisse, aut non multò post, facile crediderim. Patres Græci passim meminerunt, & vocant magnam septimanam, & extant B. Chrysostomi, ac multorum aliorum homilia diebus habitæ huius magnæ septimane. Fr. Iunius in indice in Codicum. *Ambulatio Imperatoris*. Die festo palmarum tempore supplicationis p. 140. *Ramis & frondibus perspergitur in festo palmarum*. 134. *Annunciationis Euangeli-*

*ca vigilia p. 144. Apostolorum templum. 164. & festum 166.*

Processiones, quas frequentant piè Catholici itidem exhibitant hæretici contra Veteres. Contr. Ritterfch. in Nouell. part. 1. c. 5. *Litania nihil aliud sunt, quàm preces publicæ siue solemnes orationes, quæ antiquitus fiebant prælatis crucibus, quæ hodie processiones vocantur. Sancit Imperator, ne eas faciant laici sine Episcopis & Clericis. Secundo. Ne sanctæ Cruces, quæ ipsis præportantur, alibi reponantur, quàm in loco sacro.*

## De sacramentorum necessitate, & cæremonijs. Caput XXXI.

**H**æretici non verecundantur palam afferere Christianos ex Christianis gigni, neque conferri gratiam Christi per sacramenta, sed potius iam collatam tantummodo significari, & obsignari, qua quidem falsa opinione aduersantur Veteris pietatis Doctoribus, & Professoribus. Casaub. exerc. 16. §. 52. *Sententia Veterum Christianæ pietatis Antistitum fuit, qui ad Christianismum aspirarent, priusquam Sacramentorum essent participes, neque esse, neque dici posse Christianos, neque ad Ecclesiam pertinere. Aditum enim ad Ecclesiam*  
via

*via quidem ordinaria patere unicum ex institutione Christi per Baptismum.*

Hæretici vel Sacramenta Christianorum omnino sustulerunt, vel si quæ retinuerunt adeò nudè, & absque vllis ritibus celebrant, vt non sit mirum si à plebe seducta, absque vlla reuerentia suscipiantur. Quàm verò graues, quàm sancto apparatu instructi Veteres tractarint sanctissima mysteria testes sunt inimici. Beza epist. 8. *Totum illum apparatus, quo vetustissimi etiam illi Baptismum, & Cœnam Domini se exornare posse putarunt.* ibid. *Plerique ex vetustissimis illis Christianorum sacra occultanda censuerunt.* Casaub. exerc. 2. §. 11. *Appellatio ἱερουργία, è ritibus Paganorum, vt alia multa pio proposito fuit in ecclesiasticam obseruationem deriuata.* idem exerc. 16. §. 43. p. 390. *Quod fecit Paulus in conuertendis Atheniensibus, id pios Doctores magno cum fructu fecisse res arguit, & quòd sic sumus obseruaturi manifestissimè ostendent.* p. 391. *Hanc Pauli prudentiam sanctam Antistites primos Religionis Christianæ saepe esse imitatos faciliè intelligent, qui antiquissimos pietatis nostræ ritus cum ijs comparabunt, qui prius fuerunt apud Paganos.* Beza ep. 1. *Iam quod ad Ecclesiasticos ritus pontificios attinet, &c. quàm vetusta sint illa non moror.*

De necessitate, & effectu Baptismi .  
Caput XXXII.

**C**Aluiniani negant necessarium esse sacramentum Baptismi infantibus ad consequendum regnum cœlorum, docentq. eos esse hæredes vitæ æternæ antequam baptizentur. Baptismum autem à laicis in casu necessitatis administratum baptismum esse negant. Qua quidem in sententia totam antiquitatem habent repugnantem. Doceo id ex ipsorum scriptis. Casaub. epist. ad Card. Perron. p.18. *Rex profitetur necessitatem Baptismi ex institutione diuina &c. Quod igitur de nascente olim Ecclesia Tertullianus dixit; Baptizare Episcopum, Presbyterum, Diaconum, postremò etiam laicis ius esse in extremo videlicet casu. Idem exercit. 16. §. 52. Passim igitur Patres Baptismum ad salutem docent esse necessarium ex ordinatione Domini. Augustinus l.1. de peccator. meritis & remission. c. 24. & locis alijs. Calu. l.4. Instit. c. 15. §. 20. Quòd multis ab hinc seculis, adeoque ab ipso Ecclesiæ exordio usu receptum video; ut in periculo mortis laici baptizarent, si minister in tempore non adesset. ij dem hæretici Caluiniani non dubitant affirmare, Reprobos per Baptismum non regenerari, plurimosque infantes baptizari, qui tamen remissionem peccati origi-*



originalis non consequantur, quos obeuntes in infantia baptizatos aiunt æternis supplicijs addici. Ab hac monstrosa opinione abfuerunt Veteres, vt testatur H. Grotius in libell. disquisit. ad Pelagiana dogmata, vbi inter se opponit noua Caluinianorum, & Vetera Ecclesiæ dogmata. Inter illa ponit & istud, aitq. nouum esse dogma: *Infantes quosdam in infantia morientes baptizatos gehenna supplicijs addici ob originis peccatum*; cui ipse opponit Veteris Ecclesiæ dogma ex Episcoporum Africanorum Epist. 90. inter opera S. Augustini: *Quicumque negat paruulos per Baptismum Christi à perditione liberari, & salutem percipere æternam, anathema sit. Fulgentius de fide ad Petrum: Firmissime tene, & nullatenus dubites, paruulos qui nec propria voluntate credere, nec pœnitentiam pro peccato, quod originaliter trahunt, agere possunt, Sacramentum fidei, quod est sanctum Baptisma, quamdiu rationis eorum ætas capax esse non potest, sufficere ad salutem.*

Iidem, quia existimant per Baptismum solùm significari, & obfignari remissionem peccatorum, non autem reuera conferri, docent nullam fuisse differentiam inter Baptismum Ioannis & Christi, nihilq. per hunc collatum fuisse & conferri, quod non præstiterit etiam ille, quem Præcursor Domini administrabat. Errant Caluiniani, & dum Catho-

E

lico-

licorum sententiam oppugnant, aduersantur S. Doctoribus veteris Ecclesiæ. Herm. Rauenspergerus Florileg. Theolog. p. 179. vbi recitauit dogma Catholicorum subiungit : *Pontificij* (sic vocat Catholicos) *sequuntur Augustinum, & quosdam alios & Patribus.*

## De ceremonijs Baptismi, Exorcismo nempe, Scrutinio, cæterisque. Caput XXXIII.

**C** Aluiniani Baptismum simplicissimè administrant, pios verò ritus iam olim receptos, & mysterij plenos respuunt, hac quoque in re hostes antiquæ consuetudinis, de qua testatur Beza epist. 8. *Mille ritus Baptismo Cathecumenorum adiecerunt Veteres, placuit inungi, exorcismis, & sufflationibus eripi ex Satanae potestate, cereos accensos præberi.* Fr. Iunius in Codinum p. 251. *Ad lumina solobant νεοφύτοι baptizari. νεοφύτοις sic interpretamur ex graecorum usu, quasi recens illuminatos illustratione Euangelij gloriæ Christi. Nam ad hanc rem significandam quando baptizabantur illi, accendebantur luminaria, ut signa essent spiritualis lucis Christiano homini prælucentis, & in eo accensa, ut luceant bona opera eius coram hominibus.*  
Atque

*Atque hic ritus ordinariè quidem ad Baptismum sacrum fuit obseruatus ; præterea verò anniuersariè in singularibus quibusdam diebus festis per lampadarium . Beza epist. 8. Chrisma & Exorcismus sunt vetusta . ibid. Interregationem , siue scrutinium in Epistola quadam tuetur Augustinus .*

## De Confirmatione , & Chri smate. Caput XXXIV.

**C**onfirmationem non aliter admittunt hæretici, quàm vt sit instructio Catechetica, & examen puerorum, qui iam ad ætatem, instructionis capacem peruenierunt: Inunctionem verò, totamq. illam actionem Catholicorum reiiciunt, Sacramentumq. esse negant. Quid verò in veteri Ecclesia fuerit in vñu scribunt ipsi. Christoph. Iustell. indice in Codicem Canonum Africanorum: *Chrisma & Chri smæ confectio* p. 66. *In præteritis Concilijs statutum meminimus, vt Chrisma à presbyteris non fiat, &c. ab vniuersis Episcopis dictum est, Chri smæ confectio non fiat à presbyteris.* Rittersch. Comment. in Saluianum p. 88. *Solebat autem Chrisma seruari in ampullis, vt colligere est ex Optato Mileuitano. Casaub. Exerc. 16. §. 33. Conscire oleum nempe in vñum Chri smatis apud Optatum.*

S. 45. p. 409. *Baptismo adiungebatur unctio, quam etiam sacramenti nomine Patres appellant. Casaub. Exercit. I 6. S. 30. In Veteri Ecclesia tempore Dionysii Areopagitæ, qui scriptor antiquissimus, Baptismum & Chrisma sequebatur Eucharistia. Nicolaus Cabasila scripsit de diuinissimo Chrismate, & numerat inter Sacramenta, quæ illi sunt, ut Ambrosio, Cyrillo, Hierosolymitano, & plerisque Veterum Baptismus, Chrisma, siue Confirmatio.*

## De reali præsentia Corporis Christi in SS. Eucharistia, & Transubstantia- tione. Caput XXXV.

**C**Um omnia dogmata, quæ Calviniani tuentur aduersus fidem Catholicam, impia sint, illud longè impiissimum est, quo negant corpus, & sanguinem Christi esse realiter in SS. Eucharistia, & omnibus sumentibus verè distribui. Quod quidem dogma, ut repugnat expressis Christi verbis, ita Ecclesia Catholica semper credidit, id, quod etiamnum hodie S. Ecclesia Romana profitetur, Berengariumq. contrarium sentientem, hæreticum declarauit, & ad palinodiam adduxit. De Veterum sensu ipsi Aduersarij testantur. Isaacus Casaub. in epist. ad Card. Perronium fatetur verum esse,

esse, quod Card. scripsit in epistola ad Iacobum magnæ Britanniae Regem, nempe Ecclesiam Catholicam semper docuisse realem præsentiam corporis & sanguinis Domini in SS. Eucharistia. Philipp. Melanchthon in Apolog. Confess. August. *Comperimus non tantum Romanam Ecclesiam affirmare corporalem præsentiam corporis Christi, sed idem & nunc sentire, & olim sensisse gratiam Ecclesiam. Id enim testatur Canon Missæ apud illos, in quo aperte orat sacerdos, ut mutato pane ipsum corpus Christi fiat. & Vulgarius diserte dicit, panem non tantum figuram esse, sed verè in carnem mutari.* Ibid. post recitatam Cyrilli sententiam: *Hæc recitavi, ut perspicere lectores nos defendere sententiam in tota Ecclesia receptam.*

Caluiniani ut impugnent realem præsentiam corporis & sanguinis Christi in SS. Eucharistia, docent eadem fuisse sacramenta Veteris Testamenti, quæ sunt Noui. Hoc probare nituntur ex epist. 1. ad Corinth. c. 10. ubi D. Paulus ait, Patres Veteris Testamenti comedisse eandem escam spiritualem. sed locum illum longè aliter interpretati sunt SS. Patres, teste Zanchio l. 2. Miscellan. p. 136. *Locum illum Cor. 10. est interpretatus Chrysostomus, & aliquot alij nimirum quod Israelitæ eandem scilicet inter se, & non nobiscum spirituales escam, id est, manna comederunt, Theodoretus, Photius.*

Ijdem Caluiniani, vt negent eandem realem præsentiam adducunt verba Christi Iohan. 6. *Caro non prodest quicquam, spiritus est qui viuificat*, vnde colligunt corporalem manducationem corporis Christi nihil prodesse, atque adeò nō fuisse à Christo institutam. Locum verò illum ita interpretantur Sancti Patres, vt ipsorum errori nihil faueat. Beza epist. 5. *Si simpliciter, & sine distinctione existimas nihil prodesse, conuelleris ipsius Christi testimonio, qui carnis suæ & sanguinis sui perceptionem toties eodem loco inculcat. Capernaia quoniam in Christo nihil amplius, quàm in cæteris hominibus spectabant, ideò monendi fuerant spiritualem succum ex ea carne deriuari. Hanc autem esse Christi sententiam totus ille locus probat, & omnes ad vnum interpretes Græci & Latini docent.*

Eandem realem præsentiam, vt oppugnent hæretici negant fieri posse, vt vnum corpus simul sit in pluribus locis. Nos verò, vt inueniamus fieri id posse, dicimus plura corpora posse esse simul vno in loco, vnde colligimus posse vnum corpus esse in pluribus locis. Non enim minus videtur hoc repugnare, quàm illud, quod tria exempla Scripturæ docent, de quibus scribit Rittersch. Comment. in S. Isidorum Pelusiotam epist. 404. ad verba: *Signato sepulchro facta est resurrectio: Eadem, inquit, est multorum Veterum Ecclesiæ tam Græcæ, quàm Latine doctorum*

*doctorem opinio, Christum sicut clauso & integro virginali utero Mariæ natum esse, ita & obsignatum & clausum sepulchrum resurgendo, & per clausas fores ad discipulos ingrediendo miraculosè penetrasse suo corpore, in qua & hic est Isidorus noster.*

Dogma de Transubstantiatione, & mutatione panis & vini in sanguinem Domini pleriq; hæretici huius temporis aiunt esse recens dogma, & primum constitutum à Concilio Lateranensi decimotertio seculo à Christi natiuitate. Quàm verò splendidum sit hoc mendacium, docent vel inuiti ipsi Aduersarij. Philipp. Melanchthon epist. ad Mycon. profert testimonia Cypriani, Chrysostomi, Ambrosij, & Theophylacti, & ex Ambrosio ita concludit: *Hæc tam longa recitatio exemplorum ostendit authorem sensisse panem non tantum esse signum, sed naturam panis mutari.* Valent. Erithræus in suis tabulis Confess. August. *Ad hæc addita fuerunt testimonia Patrum, non quòd propterea approbetur Transubstantiatio, sed ut omnes viderent nos nequaquam dogma aliquod nouum defendere, sed receptam à veteri, purioriq. Ecclesia sententiam de mystica præsentia corporis & sanguinis Domini constanter tueri.*

Ijdem hæretici accusant Catholicos, quòd doceant vi verborum Christi fieri mutationem substantiæ panis & vini in corpus & sanguinem Do-

mini . Sed si accusandi sunt Catholici , accusandi erunt etiam Sancti Patres , qui idem de efficacia verborum Christi tradiderunt . Brentius in Catechismo probat cum Chrystostomo : *Semel dictum verbum à Christo non euolasse vacuum, sed quotidie in propositis ad cœnam Dominicam pane & vino retinere, & exercere potentiam suam sicut sermo Domini : Crescite & multiplicamini .*

De Eucharistia percipienda à Ieiunis ,  
de Communionem sub vtraque specie ,  
elevatione , & adoratione hostiæ, & Eucharistia deferenda ægrotis . Caput XXXVI.

**H** Aeretici non multum putant referre ieiunus ne quis sumat Eucharistiam , aut non ieiunus . At Iustellus citat Canonem Concil. Afric. 41. ubi præcipitur : *Sacramenta non nisi à ieiunis celebrantur* : Ad quæ verba annotat : *Id olim Chrystostomo obiectum, quod ad communionem non ieiunos recepisset, ut ipsemet tradit ad Cyriacum Episcopum : Multa quidem aduersum me confinxerunt, & dixerunt , quod ad communionem non ieiunos receperim .*

Ijdem



Ijdem heretici necessarium putant, vt laici sub vtraque specie, panis scilicet & vini Eucharistiam percipiant. Quamuis autem Ecclesia olim vt plurimum sub vtraque specie administrauerit Eucharistiam, non tamen existimauit id esse necessarium, imò plurima occurrunt exempla antiquorum, qui sub vna tantum specie sacramentum hoc perciperunt. Hamelmannus in l. de Traditionibus fatetur Tertullianum, atque alios primos patres habuisse ex traditione, vt priuatim in domibus olim ederent Eucharistiam. Vnde colligo ex confessione Aduersariorum non semper consueuisse veteres Christianos sumere Eucharistiam sub vtraque specie. Casaub. p. 349. Exerc. 16. §. 21. *Bibite ex hoc omnes : Præceptum hoc primitiua Ecclesia semper seruauit, nisi fortè extremæ necessitatis casus aliquis interueniret*. Falsum quidem est, quod innuit Casaub. Ecclesiã semper morẽ seruasse dandi Eucharistiam sub vtraq; specie, quasi hoc esset præceptũ à Christo, interim accipimus quod concedit, non semper porrectam Eucharistiã sub vtraque specie.

Quandoquidem hæretici negant realiter contineri in Sanctissima Eucharistia corpus & sanguinem Domini, non est mirum si non possunt ferre hostiam consecratam eleuari, eleuatamque adorari. De more Veteris Ecclesię testatur Casaub. exerc. 16. §. 33. p. 372. *Querunt viri eruditi quid*

*quid sit ἀναδείξαι in Liturgia Basilij . Quidam referunt ad panis consecrati eleuationem , cum populo ostenditur . Græci in eius ritus mentione ἀνέλιξις eleuationem ὑψώσις , ἀνέψωσις appellant , ut Damascenus , Maximus , Anastasius Sinaita , & quidem ἀναδουλεύειν non malè potest exponi ostendere , vel etiam attollendo ostendere .*

Caluiniani Eucharistiam nolunt administrari alibi , quàm publico in loco , in templo scilicet , ægrotis verò & moribundis non patiuntur deferri contra consuetudinem Veteris Ecclesiæ , de qua scribunt ipsi . Casaub. epist. ad Card. Perron. Ecclesia Anglicana morientibus hoc viaticum , ut appellant Patres Concilij Nicæni , & tota Antiquitas administrat . Idem exerc. 16. §. 26. Scimus Eucharistiam à Græcis Patribus non rarò dictam δῶρον ἐξέρχου , id est , donum discessus , quia discedentibus ex hac vita communicabatur . Idem §. 2. p. 415. Cæna quoque domini nuncupatur viaticum , & respectu vitæ huius , ad quam piè transigendam , magnum est instrumentum , & respectu mortis , quia est via ad futuram vitam . Canone Concilij Nicæni 13. Si quis discedat è vita , non priuetur viatico dominico . Paschasius cap. 19. de corpore , & sanguine Domini , vocat , Viaticum huius sacramenti . Iustellus ad p. 12. Codicis Canonum Eccles. vniuers. in moribundis viaticum appellatur , quòd abeuntibus ex hac vita ,

*vita, & ad Deum cogitantibus, ac velut iter instituentibus ea detur velut pro subsidio viæ. Sic in Concilio Carthag. 4. Can. 78. & in epist. 3. Sixti P. Q. tom. 3. Concilior. Bassus à Synodo condemnatus est, ita tamen ut in ultima die viaticum ei non denegetur. Synes. epist. 67. ad Theoph. Alexandr. Episcopum. de Lamponiano quodam excommunicato loquens. Tantum mihi sumpsisti si accederet Lamponiano mors, quòd permiserim omnibus, qui tum aderant Presbyteris ei communionem impertire.*

## De sacrificio Missæ, & aqua miscenda vino. Caput XXXVII.

**H**Aeretici, certissima Satanae mancipia, hic in primis impietatem suam exerunt, & in Deum optimum ingratitudinem, dum quod sacrificium Christus instituit ad placandum Deum, & virtute mortis suæ impetrādū omnis generis beneficia à Creatore, hoc furiosè impugnant, & quod est compendium pietatis, hoc velut iniquitatis epitomen rejciunt. Utinam verò tandem à tam nefaria impietate resipiscant, & cum rota Ecclesia sacrificium acceptissimum Deo offerant. Quid vetus Ecclesia sēserit de sacrificio hoc docet Casaub. p. 28. epist. ad Cardinalem Perron. Nam cūm Cardina-

dinalis docuisset sacrificium Missæ iuxta sententiā Patrum esse vnicum illud, quod successisset in locum Mosaicorum, respondet Casaub. *Veteris Ecclesiæ Patres sacrificium in religione Christiana, unum agnoscunt, quod in locum successit omnium legis Mosaicæ sacrificiorum, neque ignorat Rex, neque negat. idem exerc. 16. §. 58. p. 420. Inuentum hoc nomen Missa, circa finem tertij seculi, vel paulò ante. Quod vocabulum non vno modo usurpatum, reperitur. Ambros. epist. 13. ad Marcell. sororem: Ego mansi in munere, Missam facere cœpi, dum offero, raptum cognoui Castulum. Hic sine dubio Missa est liturgia ad S. Eucharistiam, quod ostendit verbum offero, & alia quæ sequuntur, &c. Habentur & apud eundem duæ preces preparantes ad Missam, in quibus Missa est Cœna Domini. ibid. legitur aliquando apud Antiquos audire Missam. Ambros. serm. 34. Sic locuti sunt & Græci æquales Ambrosio, aut etiam priores. Euseb. l. 7. c. 9. histor. eccles. audire εὐχαριστῶν. Polanus in Symphon. Catholica. Patres vocant Eucharistiam sacrificium.*

Idem hæretici negant miscendam aquam vino, quod offertur in Eucharistia. Repugnat id praxi Veteris Ecclesiæ. Iustellus ad Canonem 37. Concil. Afric. ad verba: *Panis & vinum aqua mixtum, &c. Iustinus Martyr in Apolog. 2. ei, qui præpositus est panis*

*panis offertur , & poculum aqua & vino temperatum . ibid. Diaconi dant percipiendum panem , vinum , & aquam . Atque hic cibus apud nos Eucharistia nominatur .*

## De Pœnitentia, Confessione , & Satisfactione . Caput XXXVIII.

**H**Vius temporis hēretici Pœnitentiam negant esse secundam post Baptismum tabulam, negant confessionem peccatorum faciendam Presbyteris, negant satisfaciendum pro peccatis admissis. Quàm pulchrè scilicet hac negatione cum veteribus conspirent , discant ex suis authoribus . Contr. Rittersch. Comm. in Saluianum de Auarit. Greg. Nazianz. *orat. 40. in S. Baptismum. p. 461. pœnitentiam secundam purgationem vocat . purgationem peccatorum scilicet post Baptismum admissorum . p. 488. S. Patres pœnitentiam vocant tabulam, quæ nixi ex naufragio peccatorum salui enatemus . Calvin. contra Parisiens. art. 3. Confitendi morem non nego vetustissimum esse . Saluianus ep. 4. Tam longum lugendi tempus imponitur . ad hæc verba Rittersch. ita comment. p. 377. Hoc dicit ex more prisca Ecclesiæ, quo satisfactiones inungi. solebant ijs , qui peccarant ad conseruandum publicæ disciplinæ*  
vigo-

*vigorem . Satisfactionum istarum crebra fit mentio apud Tertullianum , Cyprianum , Lactantium , & alios. Idem p. 407. More veteris Ecclesie duo ista (Exomologesin , & Satisfactionem ) coniungit , ut & Tertullianus, & Cyprianus, & Lactantius, alijq; in pœnitentiæ mentione iisdem vocabulis utuntur .*

## De prouidentia Dei circa peccata . Caput XXXIX.

**H** Orribilis est doctrina Caluinianorum, quæ Deum optimum aiunt in hunc finem creare homines, ut peccent, eosq. ad scelera impellere . Negant quidem illi se constituere Deum authorem peccati, sed verba ipsorum, quibus prouidentiam Dei circa peccata describunt, contrarium clamant. Tam horribili doctrinæ vniuersa antiquitas refragatur. Zanch. Miscell. l. 2. p. 228. *Reuera nemo prædestinatus est ad peccandum propriè loquendo, licet, quisque ad ea facienda, quæ facit, destinatus sit, nempe quatenus opera sunt, non autem quatenus sunt peccatum, & hæc fuit mens Patrum. ibid. Caterum viderunt Patres, si absolutè dixissent impios idèo peccare, quia fuerint prædestinati ad peccandum, homines impios in Deum causam reiecturos fuisse. Ideo continuerunt se ab eiusmodi locutionibus.* Hugo Gro-

Grotius in sua disquisit. ad Pelagiana dogmata. *Nouum*, inquit, *dogma*: *Adamum ad primum peccatum decreto Dei efficaci prædestinatum & impulsus*: sic & ceteros ad peccata destinari, constringi, necessitatemq. peccandi eis imponi. Cui dogmati opponit ipse sententiam Veteris Ecclesiæ. *Eusebius præpar. Euangel. l. 6. c. 5. impius profecto iudicabitur, imò verò pessimus omnium, qui à creatore uniuersi alios ad adulteria, alios ad rapinas, alios ad vitia impelli arbitretur: unde sequitur, aut hæc peccata non esse, aut peccandi causam ad creatorem referri. August. in Psalm. 9. Directè eunt in Deum, qui dicunt quando peccant: Si Deus vellet non peccarem: Deus hoc voluit. l. 3. de libero arbitrio: Deus neminem ad peccandum cogens, præuidet tamen eos, qui propria voluntate peccabunt. Prosper ad Obiect. Gallorum. i. ad peccandum neminem Deus cogit. Ad septimam, & ad decimam quartam & sententia ad obiect. Gall. i. Quisquis ex prædestinatione Dei, velut fatali necessitate homines in peccata compulso cogi dicit ad mortem, non est Catholicus. Ad sextam: Qui dicit, quod liberum arbitrium in homine nihil sit, sed siue ad bonum, siue ad malum prædestinatio Dei in hominibus operetur, non est Catholicus. Et super decima quarta, ad obiect. Vincentij decima: Detestanda, & abominanda opinio, quæ, Deum cuiusquam malæ voluntatis, aut malæ actionis credit*

autho-

*authorem. Ad decimamtertiam, Deus etsi ex aeterna præscentia præcognitum habet, quid uniuscuiusque moribus retributurus sit, nemini tamen per hoc, quod falli non potest, aut necessitatem, aut voluntatem intulit delinquendi. Author l. de vocatione Gentium: Neque ex eo, quod falli sapientia diuina non potuit, necessitate peccandi urgebatur facinus voluntatis. Arausic. Synod. ann. 525. Aliquos ad malum diuina potestate prædestinatos esse non solum non credimus, sed etiam si qui sint, qui tantum malum credere velint, cum omni detestatione anathema dicimus.*

In controuersia de peccato originali insignis est error Caluini, & discipulorum eius, dum docent concupiscentiam, peccati originalis effectum, remanere in homine, tanquam peccatum, etiam si quis ei non consentiat. Quæ opinio abhorret à sensu veteris Ecclesiæ, vel ipso Caluino teste, l. 3. Instit. c. 3. §. 10. Ab uno Augustino, inquit, sumant Lectores, si quid de sensu antiquitatis habere volunt. Porro inter illum & nos hoc discriminis videri potest, quod ipse morbum concupiscentiæ tunc demum fieri docet, cum appetitionibus cedit voluntas; nos autem illud ipsum pro peccato habemus, quo aliquando omnino cupiditate contra legem Dei homo titillatur, illam ipsam cupiditatem, quæ eiusmodi cupiditates generat, asserimus esse peccatum.



## De vniuersalitate gratiæ diuinæ.

## Caput XL.

**C** Aluiniani opinantur Deum tantūmodo prædestinatis conferre gratiam Dei, qua possint salui fieri, maximæ verò hominum parti ex mera sua voluntate nolle dare gratiam, quæ ad fidem & conuersionem est necessaria, eosq. omnes, qui damnandi erunt, diuino decreto relinqui in lapsu Adæ. Huic dogmati nouo opponit H. Grotius lib. iam adducto Veteris Ecclesiæ dogma: *Synodus Arelatensis: Anathema illi, qui per Dei præscientiam in mortem hominem deprimi dixerit. August. lib. ad Simplicianum: Noluist ergo Esau, & non cucurrit: sed etsi voluisset, & cucurrisset, Dei adiutorio peruenisset, &c. Episcopi Afri in Sardinia exules epistola Synodica: Esau sacramento quidem circumcisionis octauo die secundum tenorem diuinæ constitutionis accepto, reatu peccati originalis caruit. Prosper ad Gallorum cap. 11. sed relapsus ad infidelitatem, & impios mores, qui negat originali peccato fuisse purgatum, tam falsa opinatur, quàm qui eundem asserit non æterna morte esse damnandum. Qui enim recedit à Christo, & alienus à Gratia, finit hanc vitam, quid nisi in perditionem cadit? sed non in id, quod remissum est, recidit, nec in originali peccato*

F

damna-

*damnabitur, &c. sententia super cap. 11. Qui dicit, quod ab his, qui non sunt prædestinati, non auferat percepta Baptismi gratia originale peccatum, non est Catholicus.*

## De vniuersalitate Redemptionis Christi. Caput XLI.

**C**Aluiniani docent Christum tantummodo pro parte quadam hominum esse mortuum. Aliud senserunt Veteres. Saluianus contra Auaritiam p. 52. *Christus sicut pro omnibus passus est, sic pro singulis.* Rittersch. in Comment. pag. 460. *Hic quoque locus probè notandus est aduersus eos, qui hoc negant.* Kimedonc. c. 11. de Redempt. *Veteres adhibuerunt distinctionem sufficientiæ, & efficacię.* Aquinas in Apocalyps. c. 5. *Anselm. l. 2. cur Deus homo. c. 14.* Leo Papa epist. 83. & 97. *Basil. in Psalm. 48. Chrysost. & Theophylactus, August. tom. 7. ad articulos sibi falsò impositos.* H. Grot. in l. disquisit. ad Pelag. dogmata: *Pro omnibus autem mortuum esse Christum excluso nemine, quo Massilienses tanquam confesso utuntur, constanter creditum, traditumque ab omnibus illis, qui ante Pelagij tempora pietatis, atque eruditionis famam habuerunt. Quod quia testimonijs Irenæi, Clementis, Origenis, Macarij, Eusebij,*

Eusebii, Athanasii, Cyrilli, Hieronymi, Optati, Gregorij Nazianzeni, Ambrosii, Andreae Casariensis, Chrysostomi, atque aliorum probarunt alij, labori id ipsum probandi supersedebo. Neque hoc negavit Augustinus in Psalm. 95. Sanguis Christi pretium est. Tanti quid valet? Quid? nisi totius orbis? Neque Prosper ad Gallos: Cum itaque rectissime dicatur Saluator pro totius mundi redemptione crucifixus, propter veram naturae humanae susceptionem, & propter communem in primo homine omnium perditionem, potest tamen dici pro his tantum crucifixus, quibus mors ipsius profuit. & ibid. Redemptor mundi dedit pro mundo sanguinem suum, & mundus redimi noluit, quia lucem tenebrae non receperunt. ibid. in sent. ad cap. Qui dicit, quod non pro totius mundi redemptione Saluator sit crucifixus, non ad sacramenti virtutem, sed ad infidelium respicit partem, cum sanguis Domini nostri Iesu Christi pretium totius mundi sit, à quo pretio extranei sunt, qui aut delectati captiuitate redimi noluerunt, aut post redemptionem ad eandem sunt seruitutem reuersi.

De gratia Dei, & libero arbitrio.

Caput XLII.

**C** Aluianorum dogma est hominem non esse liberi arbitrij, & si destituatur gratia Dei

F 2      neces-

necessario benè agere, Deiq. operationem ad con-  
 uersionem eiusmodi esse, vt in hominis potestate  
 non sit conuerti, vel non conuerti: Aliud sensit  
 vetus Ecclesia. Hug. Grotius in disquisit. ad Pe-  
 lag. dogm. citat ista: *Synodus Arelatensis: Anathe-*  
*ma illi, qui dixerit, eum qui perijt non accepisse, vt*  
*saluus esse posset. Scriptor de vocat. Gent. l. 11. c. 26.*  
*Gratiam ita credimus atque experimur potentem,*  
*vt nullo modo arbitremur esse violentam. & cap. 28.*  
*Qui nondum crediderunt, iuuantur, vt credant.*  
 Conr. Rittersch. in l. 2. ep. 2. S. Isidori: *Quod ad gra-*  
*tiam diuinam oporteat accedere industriam huma-*  
*nam, perpetua est vox Scripturae sacrae, cum qua Isi-*  
*dorus hic, & ep. 61. & 242. & l. 4. ep. 13. & 51. con-*  
*sentit, nec aliter alij veteres Ecclesiae Doctores, ex*  
*quibus Leo Magnus serm. 2. de Epiphan. & serm. 5.*  
*de eadem solemnitate. Possem plura ex Chrysost. &*  
*Macar. homil. comportare. Idem in l. 2. epist. 16.*  
*Verè homo animal facile mutabile olim dictus est. Et*  
*fit mutatio in utranque partem. Causa est arbitrij*  
*libertas, & quod (Irenæo quoque teste, vt Isidorum*  
*nostrum omittam) Deus nemini vim faciat. Erasmi.*  
*Roterodamus Diatribam scripsit aduersus Luthe-*  
*rum pro libertate arbitrij, quam tuetur consensu*  
*Antiquorum, dum expendere iubet lectorem,*  
*utrum plus tribuendum sit tot eruditorum, tot or-*  
*thodoxorum, tot Sanctorum, tot Martyrum, tot ve-*  
*terum,*

*terum ac recentium Theologorum, & Summorum Pontificum in Orbe Christiano præiudicijs, quàm unius aut alterius priuato iudicio, additq; incredibile esse, ut Deus tot seculis errorem Ecclesiæ totius dissimularit. Magdeburg. cent. 5. col. 500. Doctores liberum arbitrium etiam in rebus spiritualibus in ipsa conuersione statuunt.*

## De iustificatione nonnulla.

### Caput XLIII.

**V**erbum iustificari, aiunt heretici in scripturis accipi solum pro iustum censi, & declarari. Aliter autem exposuerunt Patres, teste Chemnit. in Exam. p. 1. *Non mouemus litem quomodo iustificationem accipiant Patres. ibid. Non ignoro Patres aliter loqui. Idem de iustific. cap. 1. num. 3. Patres disceſſerunt à propria, Euangelica, & Apostolica significatione vocabulorum, per quæ Spiritus sanctus doctrinam huius loci in scriptura patefecit, ut sunt iustificatio, iustitia, iustus.*

Inter legem & Euangelium, siue inter vetus & Nouum testamentum hoc statuunt discrimen hæretici, ut in illo promiserit Deus vitam æternam sub conditione operum, in isto verò absque eiusmodi conditione. Contrariæ sententiæ fuerunt veteres.

Tantum enim abest, ut hoc discrimen constituerent, ut potius doceant, maiorem perfectionem à nobis exigi, qui sub Euangelio viuimus. Saluianus contr. Auarit. *Aliud vetere, aliud noua lege præceptum*. Ritterfch. p. 454. in Comment. *Nouam legem vocat doctrinam Euangelij, quæ multò est maioris perfectionis, quàm doctrina legis veteris, id manifestè apparet ex concionibus Christi in monte habitis*. Casaub. exerc. 1. num. 56. §. 24. *Consentiunt Patres nostram hodie conditionem, qui sub lege gratiæ viuimus, longè diuersam esse ab illorum conditione; qui sub lege Mosayca vixerunt. Illos enim vix prima elementa pietatis edoctos ad multa præstantia non fuisse adstrictos, quæ à nobis in hac plena luce rare exiguntur*. Iren. l. 4. c. 47. Tertull. de pudicit. c. 6. Aug. de serm. Domini. c. 1. *supra omnes eximius & assiduus in hac admonitione*. Chrysostomus in Gen. homil. 66. in 9. Psalm. in Gen. hom. 4. & in Iohan. 14. l. de virginit. c. 30. & 44. & 83.

Iidem hæretici asserunt prius iustificari hominem, quàm resipiscat. Hoc certè abhorret à doctrina Veterum. Sibrandi Caluinistæ verba sunt l. contr. error. Vorstij err. 29. p. 307. *Quod Vorstius facit impium prius resipiscere, quàm iustificari falsum est*. Errorem hunc ut refellat Vorstius in l. scholiorum ad l. Sibrandi p. 191. præter Patres, qui magno numero contra te hic produci possent, etiam Neoterici

*terici non pauci hic tibi aduersantur.*

Iidem heretici docent per fidem solam iustificari hominem, eamq. ad consequendam salutem sufficere. Non ita senserunt vereres. Hedio ad Bellaium: *Chrysostomus saepe dixit fidem non esse satis ad salutem, & dixit vir sanctus, ut fidelis, & prudens dispensator.* Magdeburg. cent. 5. col. 506. aiunt. *Nimum hæc ætas bonis hominum operibus ascripsit, id quod ex deprauato articulo Iustificationis emanat.* Censent autem ipsi deprauatum fuisse articulum de iustificatione, quia scilicet non docent S. Patres hominem fide sola iustificari.

Qua in re constituent iustificationem hominis Calvinistæ docet Sibrandus l. errorū Vorstij err. 79. p. 637. *omnes Theologi (Calvinistæ) in eo consentiunt; quod hæc imputata iustitia sit subiectiue in Christo, in nobis tantum imputatiue, Cui respondet Vorst. p. 208. in libr. Scholiorum, Patres saltem hic excipere debebas.*

Negant etiam heretici iustitiam hominis sitam esse in qualitate inhærente. sed contradicunt D. Augustino teste Caluino l. 3. instir. c. 11. §. 15. *Ac ne Augustini, inquit, quidem sententia per omnia recipienda est, qui gratiam ad sanctificationem refert, qua in vitæ nouitate regeneramur per spiritum.*

Iidem heretici Calviniani negant bona opera ef-



se causam meritoriam nostræ salutis , & nomen meriti ferre non possunt. Refragantur hac in re Veteribus . Contr. Rittersch. p.450. Comm. in Saluiani contr. Auar. S. Cyprianus, Saluianus, & alij SS. Patres satisfactionem, & opera bona urgent, & virtutem atque efficaciam eleemosynæ, ieiunij, & orationis tantopere cōmendant. Magdeburg. cent. 5. col. 506. Nimum hac atas bonis hominum operibus adscripsit, id quod ex deprauato articulo iustificationis emanat, & statim citant omnium veterum illius seculi etiam Augustini multa testimonia, quòd opera sint meritoria .

Non patiuntur ijdem hæretici nos villo modo collocare fiduciam in bonis operibus. Alia est sententia Veterum . Contr. Rittersch. comm. in Saluian. de Auar. p. 484. *Ne quem offendant, quod Saluianus in iudicio Dei nullum aliud relinquat solatium* (præter illud quod capitur ex bonis operibus) *neue quis hoc cauilletur* Sciendum nequaquam per talia dicta excludi meritum Christi 2. Petr. 1. & 1. c. 3. 1. Tim. 1.

Ijdem hæretici pernicioso planè dogmate docent legem Dei obseruatu esse impossibilem, contra doctrinam Veterum. Contr. Rittersch. p. 271. in Saluian. *sed quomodo, inquires, non grauiasunt Dei præcepta? Nonne omnes ferè contrarium experimur?* Aio, & quidem magis auctoris aio, nostro vitio, & assue-



*assuetudine contrarium fieri, ut quæ sua natura sunt leuia, atque facilia, fiant graua. Lactant. l. 1. diu. Instit. cap. 4. Hieronymus, Chrysost. Calvin. l. 2. Instit. cap. 7. §. 5. Quod autem impossibile legis obseruationem diximus, id est paucis verbis explicandum simul, & confirmandum. solet autem vulgo absurdissima sententia videri, ut Hieronymus non dubitauerit illi anathema denunciare. Quid visum Hieronymo nihil moror.*

## An omnes semel iustificati, ad salutem sint prædestinati. Caput XLIV.

**E** Orundem Calvinianorum sententia est omnes semel iustificatos ad salutem esse prædestinatos. Huic opinioni opponit H. Grotius dogma veteris Ecclesiæ loco sæpius citato: *Augustinus de bono perseuerantiæ cap. 8. Ex duobus pijs cur huic donetur perseuerantia usque in finem, illi autem non donetur inscrutabiliora sunt iudicia Dei. Illud tamen fidelibus debet esse certissimum, hunc esse ex prædestinatis, illum non esse. Nam si fuissent ex nobis ait vnus prædestinatorum, qui de pectore Domini biberat hoc secretum, mansissent utique nobiscum. Nonne utrique à Deo creati? utrique ex Adam nati, utrique de terra facti erant, & ab eo, qui dixit; omnem flatum ego feci; vnus eiusdemq. natu-*

*re animas acceperant ? Nonne postremò utrique fuerant vocati, & vocantem secuti, utrique ex impijs iustificati, & per lauacrum regenerationis utrique renouati ? Idem de Corrept. & gratia c. 8. filijs suis quibusdam, quos regenerauit in Christo, quibus fidem, spem, dilectionem dedit, non dat perseuerantiam. & c. 13. Credendum est quosdam de filijs perditionis non accepto dono perseuerandi vsque in finem, in fide, quæ per dilectionem operatur, incipere viuere, & aliquando fideliter ac iustè viuere, & postea cadere. Idem scriptis postremis aduersus Iulianum l. 1. cap. 128. ait esse filios, quos Deus regenerauit, quos adoptauit, & tamen malos atque damnandos fore præuidit. Prosper ad obiect. Gallorum 3. A sanctitate ad immunditiam, à iustitia ad iniquitatem, à fide ad impietatem, plerosque transire non dubium est, & ad tales prædestinationem filiorum Dei, coheredum Christi non pertinere certissimum est. Mox : Non reiecti sunt à Deo, ut relinquerent Deum, sed reliquerunt, & relictæ sunt, & ex bono in malum propria voluntate mutati sunt. Atque ob hoc licet fuerint renati, fuerint iustificati, ab illo tamen, qui illos tales præsciuit, non sunt prædestinati. Et ad septimam. Ex regeneratis in Christo Iesu quosdam relictæ fide, & pijs moribus apostatare à Deo, & impiam vitam in sua auersione finire multis, quod dolendum est probatur exemplis.*

De

## De perseverantia. Caput XLV.

**I**dem rigidi Calviniani sentiunt, semel iustificatos in grauia peccata, vt adulterium, homicidium, abnegationem Christi abripi, sed tamen ab eis Spiritum sanctum non prorsus auferri, nec eousque eos prolabi, vt gratia adoptionis, & iustificationis statu excidant. Huic dogmati opponit idem Grotius ibidem sententiam veterum Doctorum. Cyprianus l. 3. *testimoniorum ad Quirinum*: Baptizatum quoque gratiam perdere, quam consecutus sit, nisi innocentiam seruet. Idem epistola ad Rogatianum: *Recedente disciplina dominica recessit & gratia*. Hieron. aduers. Iouin. l. 2. *Tamdiu sciatis vos in generatione Domini permanere, quamdiu non peccaueritis. Mox: si peccauerimus, & per peccati ianuam ingressus fuerit diabolus, protinus Christus recedit.*

Iidem Calviniani sentiunt, fideles sine reuocatione esse certos futuræ suæ perseverantiæ, siue suæ prædestinationis: & hanc certitudinem esse veræ pietatis radicem. Idem Grotius affert Veteres Doctores contrarium tradentes. Augustinus de bono perseverantiæ cap. 8. *Deus autem melius iudicauit miscere quosdam non perseveraturos, certo numero Sanctorum suorum, vt quibus non expedit in huius vitæ tentatione securitas, non possint esse securi.* c. 24.

De

*De vita aeterna, quam filijs promissionis promisit non mendax Deus ante tempora aeterna, nemo potest esse securus, nisi cum consummata fuerit ista vita, quae tentatio est super terram. Idem l. 11. de C. D. c. 12. & ep. 107. ad Vitalem de Corrupt. & Grat. c. 13. & Prosper ad obiect. Vincentij 12.*

## De ieiunio Ecclesiastico.

### Caput XLVI.

**H**Aeretici huius temporis vel planè nunquam ieiunant, vel si quæ ieiunia indicunt, faciunt id non ex usu iam recepto, & statuto, sed pro lubitu, & quando visum fuerit. Ecclesia verò antiqua habebat statuta ieiunia, quæ ab omnibus religiosè seruabantur. Fatentur id aduersarij. Isaac. Casaub. in primis in Exercit. ad primum tomum. Annal. Baronij. Nam cum Cardinalis prolixè egisset de ieiunio Quadragesimæ, quartæ, & sextæ feriæ, & sabbati, de ieiunijs etiam arbitrarijs in afflictionibus ab Episcopo imponi solitis, addit Casaub. Exerc. 16. §. 111. *Quod autem subiicit mox Baronius de variorum ieiuniorum temporibus in veteri Ecclesia verissimum est.*

Rigidi erant veteres in obseruatione ieiunij hebdomadis sanctæ, quam transigebant in Xerophagia,

gia, vt scribit Christoph. Iustellus in Codicem Canon. Eccl. vniuers. p. 204. *Xerophagia*, inquit, etiam meminit Epiphanius in Compendio doctrinae Catholicae, per sex autem dies paschatis omnes populi in siccorum esu perseuerant, pane, inquam, & sale, & aqua, tunc utentes ad vesperam. Et post pauca: Sic permanentibus ipsis in eodem siccorum esu. Socrat. l. 1. cap. 22. *Quidam sicco pane solo vescuntur*. Tertull. ad Scapulam: *Quando non geniculationibus nostris etiam siccitates sunt depulse*. Idem Iustellus in indice eiusdem Codicis. *Ieiunia in communi ab Ecclesia obseruata*. p. 45. Can. 7. *Si quis eorum, qui pietatis exercitationi student absque necessitate corporis insolescat, & tradita in commune ieiunia, & ab Ecclesia obseruata dissoluat, anathema sit*. Fr. Iunius ad verba Codini p. 144. *Cognoscendum est in palatio quatuor vigilias quotannis obseruari*, addit Iunius p. 327. *nempe cum ieiunio pridie eorum dierum, qui ab authore exponuntur*.

Idem Iunius p. 329. ad verba Codini: *Hebdomadis, quam vocant σταξένιστιμον, id est, rogationum*. Dicitur autem exinanitioni dicata, quia per illud tempus exinaniunt sua corpora, & macerant oraturi Deum pro commoditate anni.

De Quadragesimę antiqua obseruatione scribit Calvin. l. 4. Instit. c. 12. §. 20. *Non in totum excusare audeo Veteres, &c. Et tunc passim inualuerat super-*

*perstitiosa Quadragesimæ observatio, quia & vul-  
gus eximium aliquod obsequium prestare se Deo in  
ea existimabat, & pastores eam commenda-  
bant pro sancta Christi imitatione. ibid.*

*Titulo imitationis Christi ie-  
iunium ordina-  
bant.*

F I N I S.

